

YONA FEELA NQALO

E KGETHETSWENG

MODIMO Ho Mo RAPELA

 Madume hoseng! Ke thabo ho ba mona hoseng hona. Mme re thabile, ho nyakalla ka setswalle se seholo sena nakong ya difela tsena tsa kgale tsa tumelo. Re rata seo. Le lona? Lehlaso la *Amen*. Ke seo A leng sona, Amen, wa bona. Lentswe la ho qetela ke la Hae.

² Ke ne ke dutse mono ke qoqa le motswalle wa ka wa kgale, Moena Brown, ha difela di ntse di binwa. Mme o itse, “Moena Branham, hofihlela maobane ke bone, seo esale o bua ka sona.” A re, “Hola batho ba ka kena ho seo o buang ka sona,” ho re, “tshita yohle e be e ka sutha tseleng.” Ke hantle haholo. Ke hantle. Hantle haholo. Hola feela le ka E tshwara la E qhautsa. Wa bona?

³ Ha ke qoqa le motswallenyana wa ka, Ernie Fandler. Ke kgolwa bang ba lona ba mohaleng le hopola Ernie, kamoo a sokolohileng kateng, kamoo a tataiseditsweng ho Morena. Senyesemane sa hae ha se setle hakalo, kapa ke re ha nka mo kopa ho bua letho. Mme o dubakanya di *we's* tsa hae le di *W's*. E le ha a mpotsa haeba ke hopola mohlang oo Shawano moo a dulang teng. Monna e mong o na shwele ka hara kopano hantle, a wela setulong sa hae a shwa, Moluthere. Ra kgutsisa batho bohole. Ra bolela Lentswe la Morena hodima hae, a kgutlela bophelong, ho kgutlela hodima hae hantle. Ha ba eso lebale, ba re batla re kgutlike.

⁴ Ke a utlwa kwana Fora, hoseng hona, Mafora a ka etsang dikete tse pedi a kenetse matsatsi a mmalwa a ho itima dijo re tle re tlise Molaetsa Fora ka Sefora. Setjhaba sohle sa Protestanta, karolo ya Protestanta ya setjhaba sa Fora. Mme ka baka leo re a . . .

⁵ E qala e thunya jwale, e sa qala feela, lekgapetla le e ikgula hore koro e tle e robale mono jwale. Wa bona? Ka hona dulang ka hlompho, le nne le rapele. Wa bona? Hopolang, “Ba emelang Morena, ba tla bona matla a matjha.”

⁶ Jwale, ho na le . . . ke ne ke . . . o tsofala haholo, mme ka nahana, “Na ebe ke tla . . . Na ebe tsoselotso e nngwe e tla fihla, eo ke tla e bona ka mohla o mong?” Mme le hopole, mokallu wa pere e tshweu o tla hlaha bophirima. Re sa tla boela re kalla tselaneng ena. Ke hantle. Hang mohla re leng malala-a-laotswe. Eo ke tshepiso, wa bona.

⁷ Jwale, ke batla ho borella Moena Leo... Maobane bosiu ke qoqile ka Moena Wood, monyane wa hae o teng mona. Moena Leo, haeba wena le sehlotschwana se hokantsweng hodimo mono hoseng hona; Kgaitseidi Mercier, ntatao o teng mona. Ke mmone maobane bosiu. O teng mona kae hara mohaho, mme o bonahala a lokile a ipheletse.

⁸ Hoseng mohla a na fodiswa hodimo tabernakeleng, keha ho hlahile mathatahadi a mabedi a mofetshe, ba ne ba hlile ba eshwa, mme ba ne ba fodiswe bobedi ba bona. Mme ntata bona, leqheku le tshwerweng ke pelo, o kile a lwelwa tlotsong ya Modimo. Mme o ka hara kopano mona kae. Mme jwale ha ke mmone hara letshwele, empa o na le teng mona maobane bosiu.

⁹ Ditumediso ho bohle na ha bophara; mona tulong e kgabane, ya Life Tabernacle mona Shreveport, letshwele le tsholohela ka ntle sekolong sa Sontaha. Wa tseba, hola ke dula Shreveport, ha ke bue letho kgahlano le motho, empa nka kena kereke teng, hantle mona Life Tabernacle. Ha se mokgatlo wa bodumedi. Life Tabernacle, kajeno, ke tabernakele e sa kgeseng botho. Ba tswile mokgatlong wa bodumedi hobane ba amohetse nna le Molaetsa oo ke o rerang. Moena Jack Moore, moena wa ka le motswalle, o ne a lelekwe mekgatlong ya bodumedi hoba a ikgomahantse le nna. Mme ke nahana a lokelwa ke thoholetso. Ke hantle. Modimo a mo hlohonolofatse. Mme lona le phahamise matsoho a hae ka thapelo, mme le dumele le yena.

¹⁰ Mme jwale Kgaitseidi Moore, ha ke mmone kae feela, yena... E, morao mona. Hoseng hona keha a tshwana le ngwana a dutse mono, a ikinne, a le motjha, mme ekare diaparo tsa Paseka. Mme e—e ekare... Moena Jack le yena a sa mo tsebe ka boyena. Jwale, Kgaitseidi Moore.

¹¹ Ehlide re hlolahetswe Anna Jeanne le Don, le bao bohle. Ke thabo ho kopana le Moena Nolan, e ne e le e mong wa batlatsi mona.

¹² Le Moena Ernie, ke mo kopile maobane na a ka bina *Amen* eo. Ke e hatisitse, mme ke kgathaditse ntho eo esale ke e phetha hangata, *Amen*. Ke hopola a ena le kodu ya yona; ho feta ya bohle. Le Judy e monyenyanne, ke mmone; bobedi boo, ekare moena le kgaitsedi. Ha ba jwalo na? Ke monna le mosadi. Ba shebang, kgеле le a bona ba a tshwana. Wa bona? Mme ke bathwana ba ratehang. Hoo, wa tseba, hoo... Moena Palmer o sa tswa hlwa methati ya gauta, bao ke moradi wa hae le mokgwenyana. Mme hoo... Ruri ke tlotsa kwetlisong e kgabane ya hae ya ngwana. Mme o bile o na le ba bang, bareri ba nyetseng le bona, mme bana ke baboledi ba tshimong ya bona, le ba bang. Ka hona ho hotle haholo.

¹³ Ha ke eso bone Kgaitseidi Palmer. Hantle, ha ke tsebe ebe ke tla mo tseba ha nka mmona, kapa tjhe. Yena, mohlomong, o kae-kae (ehlile) kopanong. Motsheo ka motsheo; Modimo a o hlohonolofatse, Kgaitseidi Palmer.

¹⁴ Nako le nako ha ke e nahana pelo ya ka e a thothomela. Moena Palmer o tswa hlwella methati, metsotsong e mmalwa feela, ka fumana molaetsa o reng o re sile keha ke sa dumele. Billy o ile a ntetsetsa, mme motho e mong a tshwere... mme ba ne ba tseba. Re ne re le metswalle e ratehang, mme ho tseba hore o tsamaile, ha hla ha nthothometsa. Empa bohole re tlameha ho tsamaya, ho sa tsotelle re bomang, re tshwanela ho tsamaya ka bonngwe ka bonngwe. Empa ntho e le nngwe feela teng, "Utlwang qetello ya ditaba: Tshaba Modimo o boloke melao ya Hae, hoba eo ke yona tshwanelo yohle ya motho," Moeklesia 12.

¹⁵ Jwale, ha ke na nako e lekaneng ya thuto ya sekolo sena sa Sontaha, mme ke tjhele lentswe.

¹⁶ Kgele, Moena Pearry Green o entse ntho e kgabane. O ile a nkutlwaa ke bua, maobane bosiu, "Ke lalehetswe ke wiki ya moriri e nthusang..." A ntetsetsa ke hona a leka ho fumana motho ya ka ntlisetsang wona ka sefofane. Ka re, "O se o le morao, ke se ke tjhele lentswe." Ke lekile ka dilemo ho fumana tharollo, empa yareha ke e fumana, yaba e a e phekola. Empa kgetlong lena ke e lebeletse, ke batla ke tjhele lentswe ke hona. Ka hona le nkutlwelle, ke a le kopa, ha ke bua.

¹⁷ Jwale, ba ratang sekolo sa Sontaha ba ba kae? Oh, kgidi, ho lokile. Ho molemo ho romela bana ba hao ho sona. Tjhe, e reng ke e lokise, ho molemo ho *tlisa* bana ba hao ho sona. Ke hantle, ho *tlisa* bana ba hao; le wena o tle. Ba ba kae ba tsebang kamoo sekolo sa Sontaha sa rona se qadileng? Se ne se qale kae? Engelane. Pele se ne se bitswang? *Sekolo sa matamuke*. Ke hantle, se bitswa, "*Sekolo sa matamuke*." Ke lebala lebitso la monna ya se theileng jwale. E ne e le mang, lebitso la hae? [Motho o re, "Robert Raikes."—Mong.] Ke hantle, hantle haholo. Mme o ne a phuthe bana seterateng (ba matamuke, mme ba se na moo ba yang, mme ba le babe), yaba o a ba kenya o qala a ba ruta dithuto tsa Bibele. Mme se hotse hofihlela e le e nngwe ya ditsamaiso tse kgolo tsa kereke, mohlomong, kajeno, sekolo sa Sontaha. Ho molemo ho se kena. Le etse bonnette ba ho tla, ho *tlisa* bana ba lona. Ke kgolwa mona tabernacle e na le mesuwe, diphaposi tse hlophisitsweng, dilemo, le dintho tse jwalo. Mme lona makolwane a sa tswa tla ho Kreste, le sale Molaetsa hantle morao; tloong mona Life Tabernacle, mme ba tla le thabisa.

¹⁸ Jwale, bosuing bona re tliro tshwara mola wa kgale wa thapelo. Re tliro rapella bakudi kamoo re neng re tlwaetse, Moena Jack le Moena Brown.

¹⁹ Ke sa hopola mohla ke bonang Moena Brown a leka ho aba ditlankana tsa thapelo, le kamoo e leng moreri ka boyena... Mme matsatsing ao, mokgatlong oo re...ba ne ba mo qophella, wa tseba, "Ke—ke moena wa hao," tabeng ena, wa tseba. "O tshwanela ho nnyollela mono." Oh, a hlile a hula ka falese, a mpa a tsepama ka botshepehi bo kgonahalang. Moena Brown ke moena ya lokileng haholo. Mme ka hona re a mo rata.

²⁰ Mme nna ha ke sheba rona bohole, boraro ba rona bo se bo...re kgasetsa botsofading, pheletsong. E ka be e le sekgobo hola re sa rwala nthohadi eo, eo re e tsebang e le Nnete. Re itokisetsa ho kgutlela morao le leng la matsatsi ana, morao ho banna ba batjha, re se hhole...mebele ya rona e tla fetolwa, e eme ka setshwano sa Hae. "Hoba mohla motlotlwana wona wa lefatshe o senyehang, re na le o re emetseng."

²¹ Mme karolo ya teboho, motswalla ya ratehang, Morena Jesu eo ya ratehang...Lona ba ntshewang ho le bolella Nnete; Morena Jesu ya ratwang, hoseng ho hong e ka ba hora ya robedi, o ntumeletse ho bona Lefatshe leo. Jwale, e ne e se—e ne e se pono; ke mpa ke sa batle ho rialo. Hore e ne e le eng, keha e le manneta mokana ke qoqa le lona mona. Jwale, ke bone difahleho tsa batho bao, mme feela ke sa ba hopole, ba ne ba boetse botjheng. Mme e le ba manneta jwaleka...Ka ba tshwara ka matsoho le dintho. E le ba manneta hakalo...

²² Mme e nthusitse, hoba esale ke nahana: motho ha a eshwa, ke moyo wa bona feela o fallang. Empa yare hobane A nqotsetse hoo, ho re "Efela mohla leaho lena la lefatshe le kang motlotlwana le...re se re emetswe ke o mong." Wa bona? Mme re tlameha ho baballa dintho tsohle ka botharo, ho e phethisisa. Wa bona? Mme mona ho na le mmele o mong, e ntano ba oo mono e leng—leng mmele wa lehodimo, mme tsohong e ntano ba mmele o tlotlisitsweng. Wa bona, hoo ho a e phethahatsa. Wa bona? Ka baka leo ke e...Ha se kgopolotaba, ha se monahano, ha se moyo. Ke monna le mosadi ya kang wena, hantle feela.

²³ Mme yaba, dilemo tse fetileng, ke boha nqalo ya ba timetseng, mme ke le mono. Ke a o bolella, motswalla, jwaleka leqheku, e re ke o qophelle tabeng ena, setjhaha ka bophara hoseng hona, ha o batle ho boha tulo eo le ka mohla. Ha ke na mokgwa ho hang...hola ke le setaki se kokositseng borashe nka sitwa ho tako setshwano seo. Jwaleka moreri, nke ke ka kgona ho le hhalosetsa. Le re dihele se sebaka se tukang, di nyarosa ho feta moo makgetlo a milione, botshabeho bo ipapisitseng le tsona.

²⁴ Mme Lehodimo...kapa nqalo ena, hore e ne e le ho kae, ha ke tsebe nka e bitsang. Mono O itse ke "meya e tlassa aletare." Empa yare ha se hlahla, le ka mohla ha ke eso...Tsela ya ho e hhalosa boholo ba sona ha e yo. Ho na le...Jwale, le tlameha

ho nka polelo ya ka ka feela, ke mpa ke le motho feela. Wa bona? Empa dipono tsena tse etsahalang hantle kamoo ke le boleletseng, mme le a tseba esale e nngwe le e nngwe e nepahetse, *hoo* le hona ke nnete. Sohle seo o se etsang, leha o ka lahlehelwa ke sohle (bophelo bo bottle mmeleng, matla, pono ya hao, seo e leng sona), o se ke wa phongwa ke Hoo. Ha ho letho ho bapiswa le sona. Ke... Ha ho letho—ha ho lenseswe puong ya Senyesemane, ke le tsebang, ho se hhalosa. O ka re “phethehile,” se ka nqane; “tlokoma,” se—se ka nqane; “kgabane,”... Ha ho letho—ha ho mantswe ao ke a tsebang ho se hhalosa, hobane se be se le ka mokgwa oo... Mme hape, ho nahana, le jwale hoo ha se phetho. Ka nahana, “Nka hla ka tshaba ho fihla moo?”

25 Ka re, “Ana le a ja na?”

26 Ha thwe, “Tjhe e seng mona. Mona ha re je, empa mohla re kgutlelang lefatsheng re tla fuwa mmele oo re jang ho wona.”

27 Be, ke ne ke kgora ho ba phopholetsa. Keha ba le *jwalo* feela. Wa bona? Mme bona... Ka re, “Be, le na le...” Oh, ee, ba apere mmele. Ha se kgopolotaba feela, ke mmele. Re a tsebana. Bohle ba ile ba ntseba, ba nkopela, dimilione tsa bona.

28 Mme yaba ke re, “Be, ke batla ho bona Eo Ya ntlisitseng mona.”

29 La re, “O ke ke wa Mo bona jwale, o tlameha ho ema.”

30 Ka re, “Hobaneng o mpehile hodima... hodimo mona?”

31 Ha thwe, “Bophelong o ne o le moetapele.”

32 Mme ka re, “Na O re bao bohole ke ma-Branhame?”

33 A re, “Tjhe! Ke meya o e sokoletseng ho Kreste.” Wa bona?

34 Ka qamaka, mme yaba moo masiu wohle a thata, le diteko, di ponang, ha ke bona difahleho tsa bona. Mosadi e mong e motjha a titimela mono, e mong wa basadi ba batle ka ho fetisa, mme yaba o akga matsoho a hae a nkopela, le ho re, “Moena ya kgabane.” Mme yare ha a feta... Jwale, e ne e le mosadi. Ka baka leo... Empa ka mono, sebe ha se sa tla ba teng. Wa bona, mono maro a rona a fetotswe. Ha ba sa tla hodisa bana, mono. Wa bona? Wa bona, ho itshwanela feela.

35 Phapang e leng teng, ke maikutlo. Ke ka hona ke sa dumele ho hobela hodima mokato. Ha ho monna... Nna, ka pela Modimo le Bibele ya ka, ke phetse ka bohlweki, ho tla *jwalo* bophelong ba boshanyana ba ka, bohlankaneng ba ka. Ngwanana eo nkileng ka intsha le yena, nka kgutla ka ya Kahlolong le yena. Wa bona? Empa ha ho monna, ha ke tsotelle o mang, ya ka dumellaya mosadi (ya seemong sa mosadi) ho mo hamarela haufi le wena; haeba o fela o le monna ya phetseng hantle, maikutlo a teng. Empa mono keha a le siyo; maro ha a yo. Maro a lona bohole a tshwana. Wa bona? Ke lerato le

hlwekileng, le sa silafalang la kgaitsele moena, ho feta le ba heno... esita le ho... ho kopela moradi wa hao e monyenyan. Wa bona? Moradi wa hao ka sebele, leha ho le jwalo yena o bopilwe... o motshehadi athe wena o motona. Wa bona, ntho e ka ba teng; empa Mono e ke ke ya eba teng, sebe se fedile, se nyametse. Wa bona? La makgonthe... Lerato la makgonthe feela, le halalelang.

³⁶ Mme ka sheba mosadi eo. Ho ne ho e na le...ya ka dimilione tsa bona mono, mme bohole ba le moriri o molelele, diaparo tse tshweu tse lepellang. Mme—mme Enwa ya neng a buisana le nna, a re, “Athe ha o sa mo hopola na.”

³⁷ Ka re, “Tjhe.”

³⁸ Ho re, “Mohla o no o mo tataisetsa ho Kreste keha a le kwana dilemong tsa bomashome a robong.”

³⁹ “Mohau o hlollang, molodi o monate-nate.” Wa bona? Le mokgwa wa ho e hhalosa ha o yo. Inkeleng polelo ya ka feela haeba le fela le dumela ho nna. Le etse bonnate... le tjhese borogo ka bong ba lefatshe ka morao.

⁴⁰ Ke a dumela kereke e qala e utlwa Molaetsa, mme e qala e utlwisa. Empa, metswalla, mamelang, re tlameha ho robala ka pela Sefahleho sa Mora, re tlameha ho butswisa. Tumelo ya rona—rona ha eso butswe. Molaetsa oo Modimo a re neileng wona re o utlwa ka hlalefo, mme re bona dipontsho A re bontshitseng tsona, le ho di kgodisa ka Bibele, di teng, empa, oh, kamoo kereke e hlokwang ho robala pela Sefahleho sa Hae ho fihlela e nolofatswa, wa tseba, mme eba dinotshi Moyeng mme e tle e tole. Ka nako tse ding ka ho bua Molaetsa, o a kgohlahala, o tlameha ho pshatla jwalo, kaha o tlameha ho matiella thakgisa ho itshwarella. Empa hang ha Kereke e ka O tshwara, Mokgethwa a biletswa ntle mme a ikgethela ka thoko, ka pela Sefahleho sa Modimo, ke a tseba batho bao ba tla tshwana le ba moo mohla e nkang Hlwibilo ya yona.

⁴¹ Hoseng hona ke ne ke tliro bua ka *Hlwibilo*, empa ke haellwa ke lentswe ho etsa hoo, ka hona le ke le mmamelle nakwana. Seo ke batlang ho bua ka sona, sehlooho sa: *Yona Feela Nqalo E Kgethetsweng Modimo Ho Mo Rapela*.

⁴² Jwale, ke sehlooho sa setonana se seholo. Ka baka leo ha re rape leng jwale. Mme ka ntlo koo na ha bophara hoseng hona, hohle moo le leng teng, le inamise dihlooho tsa lona metsotso e mmalwa feela. Le hle le tshephahale jwale, re atamela Lentswe la Modimo, e leng Modimo ka mokgwa wa mongolo.

⁴³ Mothei e Moholo wa Buka ena, “Ke Peo,” kamoo re rutwang, “eo mojadi a e jadileng,” Mongodi o itsalo. Jwale, re a elellwa peo e tla mela haele mobung o motle. Ka hona, Ntate, ana hoseng hona O tla fothola meutlwa yohle le tshehlo, le ho se dumele, le mehopolo ya bobelaedi pelong ya rona ka nngwe;

Lentswe la Modimo le tle le mele ka bolokolohi, ho nosetswa ke Moya dipelong tsa rona, re tle re be batho ba Modimo. Aba sena, Ntate. Ke dipelo tsa rona. E seng ho rona feela ba eleletsweng sena, empa ba bang le bona naha ka bophara, pelo tsa bona ka bonngwe di ke di hotetswe ke lerato le mosa, ba tlohe ho ya leka ho hapa moena ya timetseng, kgaitseya ya timetseng. Aba sena kajeno, Modimo. Re shebile ho Wena ka ho shwelella, hoba e le Wena mosupatsela wa rona le Morena wa rona. Ka hona re rapela hore O tle o re tataise Lentsweng la Hao kajeno, le ho re abela mahlohonolo a Hao. Ka mohau wa Hao le ka Lebitso la Hao re a e kopa. Amen.

⁴⁴ Jwale, ha re nkeng theroy a rona...Ke batla ho bala Bukeng ya Deutronoma, Testamente ya Kgale, e le ho teka Lengolo feela. Ke ngotse dintlha tse mmalwa hoba ke kgutle borakefeseng le Moena Vayle.

⁴⁵ Ha ke eso lebohe monna eo hoteleng eo...reshurenteng eo bosiu bo bong, ya lefileng sophoro ya rona—rona. Nna le mofumahadi le ngwanana wa ka e monyenyanre le koo, mme yareha ke lefa molato wa ka, motho keha a se a lefile. Hore e ne e le mang, ke a o leboha. Ho itswe, "Motho ya na dutse ntlheng ya setulo." Ehlide re ne re tseba sehlopha se seholo mono. Jwale, ke...ntho e kang Kickapoo, ntho e kang eo, sebaka se ka ntlo mona, reshurente re beng re le ho yona. Ke a o leboha, mang feela ya entseng hoo. E mong le e mong wa lona, Modimo a le hlohonolofatse.

⁴⁶ Jwale, kgaolong ya 16 ya Deutronoma, ke tshebeletso ya paseka. Ka hona re lakatsa ho bala ditemana tse mmalwa tse qalang, ditemana tse nne tsa pele kapa tse hlano, tse tsheletseng mona.

Ellowa kgwedi ya Abibe, mme o etsetse JEHOVA Modimo wa hao paseka...(Hoo ho bolela "Mmesa.")...ka yona: hobane ke ka kgwedi ena ya Abibe JEHOVA Modimo wa hao a o ntshitseng naheng ya Egepetabosiu.

O tla hlabela JEHOVA Modimo wa hao paseka, o mo hlabela dikgomo le dinku tsa hao nqalong eo JEHOVA a tla e kgetha ho bea lebitso la hae...

O se ke wa jelella yona le bohobe bo sa lomoswang; ka matsatsi a supileng o je mahobe a sa lomoswang, mahobe—mahobe ao ka wona,...kahobane o tswile naheng ya Egepetab ka potlako:...o tle o hopole ka matsatsi a wohle a ho phela ha hao le—le letsatsi leo o tswileng naheng ya Egepetab ka lona.

Ka matsatsi a supileng ho se ke ha ba...bonwa ho sa lomoswang ha hao; haele nama ya sehlabeled seo o se etsang, ka mantsiboya a letsasi la pele, e ka kgona ho se ke ha salsa hosasane letho.

O se ke wa hlaba paseka ho ofe kapa ofe wa metse ya hao, eo JEHOVA Modimo wa hao a o neang yona:

E mpe e be nqaleng eo JEHOVA Modimo wa hao a e kgethileng ho bea lebitso la hae ho yona, ke hona moo o tla hlaba paseka mantsiboya, ha letsatsi le dikela, nakong e jwaloka eo o tswileng Egepeta ka yona.

Jwale Morena a ekeletse mahlohonolo a Hae palong ya Lentswe la Hae.

⁴⁷ Jwale, na maekrofounu o a shesha? Maobane bosiu ke utlwile jwalo. Na le utlwa hantle jwale, hohle? Le kgona ho utlwa. [Moena Branham o lokisa maekrofounu—Mong.] O molengwana? O molengwana, ha o bua ka maekrofounu o thulametseng tjena? Ke batla ke tjhele lentswe, ke ka sepheo hoseng hona ha ke atametse hakaale, mme ke kgolwa Moena Pearry a kgona—kgona ho utlwa ka ntle koo. Na le utlwa hantle jwale? Ke kgolwa ba o lokisitse. Ho lokile.

⁴⁸ Jwale, yona pla-... Seo ke batlang ho bua ka sona hoseng hona ke hoba Modimo o na le nqalo e le nngwe feela eo morapedi a ka kopanelang le Modimo, nqalo e le nngwe feela. Esale mengwaheng bongata bo batllile nqalo ena ya Modimo ya sephiri, mehleng ya mengwaha yohle. Esita le Jobo a rata ho tseba moo A ahileng teng, “Hola nka etela tlung ha Hae ka kokota monyako wa Hae.” Jobo a batlide ho fumana moo Molimo a ahileng teng, hoba e le hona moo Modimo le lelapa la Wona ba rapelwang mmoho.

⁴⁹ Jwaloka maobane, molaetseng wa maobane hoseng, re fumana kgonahalo ya motho ho rapela Modimo lefeela, kwana e le ka borapedi bo shweletseng. Modimo o re hlophiseditse dintho tsena tsohle, empa taba ke ho re, re tlameha ho di batla moo di leng teng. Pauluse o na bolelle Timothea ho batlisisa, le ho—ho sebetsa nako e tshwanela nako e sa tshwanele, a ntse a loketse ho aba e—e—e polelo kapa...tshepo e ahileng ka ho yena.

⁵⁰ Jwale, dintho tsena tsohle di teng ka mono. Mme re fumana...Nka rata ho etela Shreveport re qete diveke tse pedi kapa tse tharo moo ho nnkuwang metsotso e mashome a mararo ka bosiu feela thutong, wa bona, ho dula feela Lentsweng, ho dula dibakeng tsena tse sephiring, wa bona, moo re ka fumang mokgwa wa ho kena. Mme le shebe feela, o sale tataiso ya Modimo morao, senotlolo sa monyako se seng feela. Ke hantle. Mme senotlolo se seng ha se yo, ho sa tsotelehe se shebeha se tshwana ha kae, Modimo ha o na senotlolo sa mohlolohlolo; senotlolo se seng feela. Mme jwale, le tlameha ho fumana senotlolo seo, ho seng jwalo monyako o ke ke wa buleha. Ho sa tsotelehe botshepehi ba hao, o sa ntse o tla sitwa ho notlolla monyako oo.

⁵¹ Jwale, borakefese ba maobane bo ne bo etetswe ke ba bakae, hoseng ho hong? Ho lokile, ke kgolwa e le boholo ba lona, bonnyane pheresente tse mashome a robong tsa lona, kapa ho feta. Ho tshehetza sena, se ke tilo se bua, Davida o na tlotswe borena (a tlotsitswe ke Modimo), morena e moholohadi eo Iseraele e kileng ya mo thola, kathoko ho Morena Jesu (e leng Modimo) Motlotswa. Davida ke mora hae...kapa Jesu e ne e le mora Davida ho latela lesika, ka nama. Mme O tla dula teroneng ya Davida e le e mong... mojalefa, etswe e—e kgosana e le mojalefa wa—wa terone ya morena.

⁵² Lemohang, jwale, Davida ka ho tlotswa, leha kwana tlolo e kalo e dutse ho yena, o kile a fapoha thato ya Morena ka tlolo eo; le batho bohole, a sitwa ho kgema le Lengolo kapa senotlolo tshenolong ena, bao bohole keha le bona ba tlotsitswe, kaofela ha bona, mmoho, ba howeletsa ba rorisa Modimo ka ho bonahetseng ho nepahetse: ho kgutlisetsa Lentswe la Modimo tlung ya Modimo. Empa Davida e be e le morena, e se moporofeta. Wa bona? Yena...Moporofeta eo ntho e sebetswang ka yena a le teng naheng, mme yaba Modimo o nyemotsa kgato yohle hoba ba sa sebedisa senotlolo sa tshwanelo. Monyako wa hana ho buleha. Mme jwale re tshwanetse ho hopola seo, le ho se boloka kelellong. Ho na le...Ntho yohle ya Modimo, e tlameha ho etswa ka tsela e le nngwe e ikgethileng, mme ke phetho. Jwale, mono, Modimo o na ena le Kereke e le nngwe e ikgethileng eo A kopanang le batho ka ho yona, mme O tla le amohela ka hara Kereke eo mme kereke e nngwe ha e yo.

⁵³ Ke buile tjena hoba kgafetsa esale ke sa utlwisiswe, mme esale batho ba mpolella... .

Ke re, “O Mokreste na?”

“Ke Mabaptise.”

“O Mokreste na?”

“Ke Momethodise.”

“O Mokreste na?”

“Ke Mopentekosta.”

⁵⁴ Jwale, wa bona, ho Modimo hoo ha se letho. O mpa o hlohlotsa ka senotlolo se phoso. Empa senotlolo se lokileng se teng, ho teng moo Modimo...Modimo ha o eso tshepise ho kopana le wena Methodise, kapa Baptise, kapa ha Mapentekosta, kapa mokgatlong ofe wa bodumedi. Ha A tsotelle mekgatlo ya bodumedi, e kgahlano le Yena.

⁵⁵ Molaetseng o molelele oo, ke tla O kgutlela tabernakeleng haufi. Mme ke hona moo Moena Jack a tla O utlwa, mme le ka sheba se le batlang ho se etsa ka Wona, hoba O tla be o hatisitswe.

⁵⁶ Jwale, ho batho ke mokana Modimo a tlameha ho kopanela le bona ho latela motheo wa thutamodimo ya bona. Jwale, batho ba itshwara jwalo. Ebile ha ba itswake le ba bang. Botrintase kapa Pentekosta ha e sebetse le Bonngwe, le Bonngwe ha bo sebetse le Botrintase. Methodise ha e kgeme le Baptise, hoba e nngwe e le ramolao athe e nngwe ke Mocalvinisi, ka hona ha di sebetse mmoho ho hang. Mme di tshopahanya dikelello tsa batho hampe hoo e mong a leng kgahlano le e mong.

⁵⁷ Nkile ka ya rapela, nakwana e fetileng, phaposing ya kokelo. Teng ho rapame mofumahadi a kula haholo, a tlilo sehwa, ba mo lebeletse ho shwa. Mofumahadi e mong mono, ka na ka bitswa ho mo rapella. Ka re ho yena, “Na le ka tsotella ha ke rapela motsotso?”

⁵⁸ Mme a re, “Hula kgaretene eo!”

⁵⁹ Mme ka re, “Ke mohau.” Ka re, “Ke tlilo kopa thapelo.”

⁶⁰ A re, “Hula kgaretene eo!”

⁶¹ Ka re, “Ee, mofuma’di.” Yena le mora wa hae ba dutse mono, a tshwana le *Ricky* ya tlwaelehileng. Mme ka re, “Be, athe ha o Mokreste na?”

⁶² A re, “Rona re Methodise!”

⁶³ Ho re, “Be, ha se seo ke o botsitseng sona, ke botsitse na o ‘Mokreste.’” Wa bona?

⁶⁴ Mme ka hona a re, “Hula kgaretene eo!”

⁶⁵ Wa bona, ka hoba motho e seng Methodise a tlilo rapella mosadi ya shwang, etswe le yena a le maemong ao. Empa erekaha e sa kgeme le mokgatlo wa hae, ha a batle le ho e utlwa kapa ho kenana le yona. Haeba e se Mofarisi, ha ke eso bone e mong!

⁶⁶ Emang ho fihlela le utlwa *Mohlala Wa Noha*. Huh. Ke hantle. Jwale, ba hopola e le bodumedi ba bona feela bo hlomphuwang ke Modimo: “Modimo ha o se Methodise ha a o mamele, kapa Baptise, kapa e—e Botrintase, kapa Bonngwe,” kapa ntho e kang eo. E fosahetse!

⁶⁷ Mme ke sepheo sa ka seo; empa haeba e—e takatso ya ho loka ho jwalo e dutse dikelellong tsa batho le dipelong...Ha ke kgolwe mosadi a e entse hobane...kapa motho e mong. Momethodise a ke ke a ema mme a tshehetsha kereke ya Methodise haeba a—a tsebile e le phoso. Monna eo o hopola e nepile. Ha ke kgolwe Motrintase a ka ahlola Bonngwe, kapa Bonngwe wa Botrintase le Pentekosta, ka hobane a batla ho fapano feela, o itemoha a nepile. Mme o tshwanetse ho hlompha mohopolo wa hae. Wa tseba, kobo e saroloha mahlakore a mabedi. Empa, o hopole, tabeng eo yohle, ha ntho e le teng pelong ya monna kapa pelong ya mosadi ba e dumetseng

hobane e “nepahetse,” e tlamehile ho loka sebakeng se seng. Jwaleka ha ke boletse kgafetsa, “Ha bodiba bo howeletsa bodiba, eka kgona ho be le bodiba bo arabelang pitso eo.”

⁶⁸ Wa tseba, esale re bolellwa ho thwe—thwe qibi e ne e tsamaya lebopong la e—la lewatle ka meomo. Empa jwale ha e sa na meomo, e fetohile dipharana hoba e ka kgona... mohla e ne e falla lefatsheng yaba e hloka dipharana, ya kena lewatleng e le phoofotswana e metseng boyo; hlaho ya e bopela dipharana sebakeng sa meomo, hoba e kgona ho sesa ho feta kamoo e kileng ya tsamaya kateng.

⁶⁹ Ha ke sa hopola monna enwa ya ileng lebatoweng la borwa. Lebitso la hae ke mang? Byrd. Ho thwe o ile a rokela makgomo a itseng dijase, phatakanyong ena; e le ho hama lebese la tsona. Mme yaba o roka dijase tsa boyo ho di baballa mohatseleng o bolayang. Empa mohla a fihlang mono, keha di sa hloke jasana ya boyo, hlaho keha e di babaletse ka e nngwe. Wa bona? Hobaneng? Pele sephwana se hlaha mokokotlong wa hlapi, metsi ao e sesang ho wona a na a tlamehile ho ba teng pele hoseng jwalo e ka be e hloka sephwana. Mono... Pele sefate se mela *hodima* lefatshe, lefatshe leo se melang hodima lona le tlameha ho ba teng pele, ho seng jwalo sefate se ka be se le siyo.

⁷⁰ Ka hona, wa bona, haeba ntho e tsetselang e dutse pelong ya motho, e ka kgona ho be le ho hong ka ntle koo ho arabela, ho kgodisa memo eo.

⁷¹ Mosadi... Nakwana e fetileng ho ne ho hlahlojwe mosadi a shweleng. Mme sesosa, ba—ba tlaleha, se mo bolaileng, o ne a ja eiye molebe, ka dinako tsohle. Ha a sa je eiye, hloho ya hae e hlohlona, le ntho tsohle; ba sa utlisise. Ka hona hlahlobong ena, ba fumana disele tsa hlaha ya mofuta ho mosadi; keha ba di reile e—e lebitso. Mme yaba ba nka hlaha eo ba e kenya ka hara sejana sa dieiye, mme ya qhibidisa dieiye bosius bo le bong. Wa bona? E ne e le eng? Ntho e ka hara mosadi e ne e tsetselela eiye, mme hola dieiye di le siyo hlaha eo e ka be e sa mela.

⁷² Ka mantswe a mang, Mmopi o ne a tlamehile a be teng pele, pele mmopo o eba teng. Wa bona?

⁷³ Jwale, ha tabatabelo e le teng pelong ya motho, e kang Methodise, Baptise, Presbeteriene, Katolike, tsena tse ding tsohle, ho leka ho fumana tsela e le nngwe eo e lokileng, mme baprista le badisa ba bona ba ba jwetsa, le dintho tse jwalo, ho re “Tsela e lokileng ke ena.” Ba re, moprista o re, “Ka ntle ho kereke ya Katolike poloko ha e yo.”

⁷⁴ Be, kereke ka nngwe e inkela... mohopolo wa bona. Ba bang ha ba dumele hoo, ba mpa ba e etsa ka diketso. Diketso tsa hao di bua ho feta polelo ya hao. Empa e le... Ka mantswe a mang, ke baikaketsi ba fetang le Katolike. Makatolike ba e

paka phatlalatsa, "Ke dumela e le yona feela ntho," empa bona lekgale. Ba e pata, empa diketso tsa bona di paka seo ba se nahang. Wa bona?

⁷⁵ Jwale, nqalo e e le nngwe e tlameha ho ba teng, hoba takatso ya ho E fumana e dutse pelong ya motho. Mme ke nahana Lentswe la Modimo le tshwere karabo ya sohle seo re se hlokang. Mme Modimo o tswere karabo, mme jwale ha re hlahllobeng Mangolong. Mme ha Modimo a ka re bontsha nqalo e le nngwe ka Mangolo, mobu o le mong, (bodumedi bo le bong, haeba ho le jwalo), mokgwa o le mong oo Modimo a tla kopana le motho, re tla tlameha ho tsitlallela teng hobane re fumane Nnete ya Bibele, seo E se buang.

⁷⁶ Jwale, lentswe *Deutronoma*, lentswe ka bolona le bolela "melao e mebedi," lentswe *Deutronoma*. Mme Modimo o na le melao e mebedi. Melao e mebedi: o mong ke ho hloka kutlo Lentsweng, mme o shwe; mme o mong ke kutlo Lentsweng, mme o phele. Ke eo melao e mmedi, mme *Deutronoma* e bolela melao e mmedi. Bobedi ba yona re e pepesedsitswe phatlalatsa Lengolong. O mong ke lefu, o mong ke Bophelo; Bophelo le lefu. Modimo o sebetsa ka Bophelo feela, Satane o ka lefu feela. Mme tsena di ne di pepeswe lefatsheng phatlalatsa, pela leihlo ka leng, mme ha re na boitatolo. O mong jwalo, o ne o pepeswe Thabeng ya Sinai mohla molao o ne o abjwa, wona o bileng wa dihela morabe wohle wa motho lefung; o mong o ne o abjwe Thabeng ya Kalvari, wona wa kenya morabe wohle wa motho Bophelong, mohla kotlo e ne e lefshwa ka ho Jesu Kreste. Melao e mmedi ya *Deutronoma* e ne e phethahatswe dinthong tse pedi tsena, tse kgolo.

⁷⁷ Ke batla le boeile le elellwe, ho bile ha abjwa dilekane tse pedi. Selekane se seng sa fuwa Adama, sona se theilwe hodima mabaka, eka molao: "Haeba o sa ame sena, o tla phela; empa haeba o ka ama sena, o tla shwa." E ne e le molao. Yaba Abrahama o fuwa molao o mong, wona e le ka mohau, dipeelo di le siyo: "Ke o bolokile wena le peo ya hao e o latelang." Amen! Eo ke papiso ya Kalvari, e seng papiso ya—ya—ya selekane sa Adama, ke selekane sa Abrahama.

⁷⁸ Empa jwale re Mo utlwa a tlaleha nqalo e le nngwe feela moo A tla kopanela le motho ho rapela. Re e bala hantle mona mholoditherong. Re tla kgutlela ho wona, morao, metsotsong e mmalwa.

⁷⁹ Efela ha nqalo ya ho kopanela le Modimo e le nngwe, re mpe re ele hloko. Jwale ha re beelleng meetlo ya rona ka thoko hoseng hona, le . . . thutong ena ya sekolo sa Sontaha, mme le kgodisehe hoba le fumana nqalo e le nngwe eo. Hobane, Modimo o boletse mona, A ke ke a o amohela nqalong e nngwe. Kerekeng e sele, A ke ke a o amohela ka hara yona. Ke Kerekeng ya Hae feela, nqalo e le nngwe A tla o amohela ho yona.

⁸⁰ Jwale, “O reng, Moena Branham? Haeba ke tshepahetse?” Tjhe.

⁸¹ Hopolang, Jesu o buile le batho ba bang ba tshepehang, barapedi ba letsatsi la Hae, mme O itse, “Le Ntshebelelsa lefeela.” Ehlide, e be e le borapedi ba makgonthe bo tswang dipelong tsa bona. “Le Ntshebelelsa lefeela, ha le ruta dithuto tseo e leng melao ya batho,” kapa tumelo ya bodumedi ba bona. Botshepehi, hlompho, borapedi bo shweletseng ba bo kgonang. Mme taba eo ha e a fihla botjha ka Bafarisi ba nnosi. Kaine le Abele, barapedi ba pele ba kileng ba tswalwa, ka tswalo ya hlaho mona, hodima lefatshe, ba ne ba tle ka maikutlo wona ao ba tiile.

⁸² Kaine e ne e le morapedi hakalo ka Abele. Bobedi ba ahile dialetare. Bobedi ba rata Modimo. Bobedi ba hlahisa dihlabelo. Bobedi ba rapela. Bobedi ba ntshitse karolo ya leshome. Bobedi ba entse sohle ka ho tshwana. Empa Abele, ka *tumelo* e leng “tshenolo,” Lentswe la Modimo le senotsweng, le hlakisitsweng, le pepesitsweng, le ho netefatswa. Thoriso! Kaine o ne a hlahise sehlabelo, empa Modimo ha o a ka wa se netefatsa. Modimo o ne a hloka ho rapelewa, mme Kaine o nyehetse nyehelo, empa Modimo wa se ke wa e netefatsa. Empa ka motjhoporwa nneta...

⁸³ O re, “Be, kereke ya ka ke Yona. Ya ka...”

⁸⁴ Be butle motsotsotso feela. Modimo o toloka Lentswe la Hae ka Boyena ho latela metheo A Le boletseng ka yona. Wa bona, Kaine o itse, “Nna ke morapedi. Ke rata Mmopi wa ka. Ke O hlahisetsa aletare e kgabane ena. Ke O hlahisetsa sehlabelo sena. Ke hahile tsena tsohle, Morena, hoba ke o rata.” Abele le yena o itsalo. Jwale ya netefatswang, ya pakwang ke yena. Mme yaba Modimo o theoha o amohela sehlabelo sa Abele, hoba ka tshenolo a ne a kene motjhoporong wa nneta wa Modimo o neng o amohelela.

⁸⁵ Jwale shebang moyo oo wa Kaine ha o etla o theoha hara Lengolo, hantle ho fihla letsatsing lena la qetelo. Ramotheo? Ke ramotheo jwaleka e mong.

⁸⁶ Shebang moporofeta Baalame le moporofeta Moshe. Bobedi ba bona ka dialetare tse supileng, dialetare tsa Jehova, madi a le hodima e nngwe le e nngwe; mme hoo ha se ho fela, empa dipheleu di beilwe hodima e nngwe le e nngwe. Ho latela dipalo, palo e nepahetseng hantle, *supa*, “phethahalo,” dipheleu tse supileng. Hantle ka ho tshwana, dialetare tse pedi. A tsepame motheong jwaleka e mong, le e mong a le jwalo. Empa Modimo wa netefatsa mang? Wa bona? Wa bona? Eo a na dutse Lentsweng la Hae. Ho tsepama le motheo ha ho bue hakalo; ke tshenolo ya Modimo.

⁸⁷ Jwale nahanang! Banna bana, hobaneng ba kile ba bitswa ba bewa boemong bona (Bafarisi bana) ke Jesu, ya itseng,

“Le Ntshebeletsa lefeela”? Ho Mo rapela: borapedi ba sebele, borapedi ba nnete bo tswang dipelong tsa bona. “Lona... Le Ntshebeletsa lefeela.” Hobaneng? “Le ruta thuto ya meetlo ya motho, ka hona le fetola melao ya Modimo ntho e se nang matla bathong.”

⁸⁸ Hola nka le ruta molaetsa wa Methodise, o be o sa tlo sebetsa ho lona, ena ke nako ya Monyaduwa. Hola Moshe a ruta molaetsa wa Nowe, o be o sa tlo sebetsa. Hola Jesu a ruta molaetsa wa Moshe, o be o sa tlo sebetsa. Hoba mono ho robetse peo e rerilwepele e leng tse ka tsoswang ke metsi a mofuta oo a etseditweng peo eo. Wa bona? A ke ke a hlahisa maemo a mang. Maemo ke wona a tshwanetseng ho e hlahisa.

⁸⁹ Jwale, o ka nka lehe la kgoho wa le kenya seqhotsitsing, athe le tlameha ho alamiswa kgoho, empa le tla qhotsa leha ho le jwalo. Ha o le sunya tlasa boyana le tla qhotswa. Ke mofuthu, boemo ke bona bo le qhotsisang. Ka baka leo le tlameha ho kena tlasa maemo. O ka nka lehe le letle le phelang wa le sunya tlasa kgoho e shweleng, le ke ke la qhotswa. Wa bona? Wa bona, ke maemo.

⁹⁰ Be, ho jwalo le mongwaheng ona re phelang ho wona, o tlameha ho fumana tsela ya Modimo ho e sebetsa mongwaheng wona. Ke seo Martin Luther a se fumaneng, ke seo John Wesley a se fumaneng, ke seo Mapentekosta a se fumaneng mongwaheng wa bona. Mongwaha wa Modimo le nako ya ho e sebetsa.

⁹¹ Jwale, Mapentekosta. Moena eo, e mong... Ke dumela hoba ntho ya hae... le leng la mahlo a hae le ne le tswile, moena wa mothomotsho ya hlileng a qala molaetsa wa Pentekosta California, Azusa Street ya kgale. O kile a tsheuwa, hoba e le monekro. A songwa, empa a hlahisa molaetsa wa mongwaha oo. Motho ya mmejana feela, thaka le sa kgoneng ho ngola lebitso la lona, empa Morena o na mo senoletse hoba wona ke mongwaha wa kgutlisetso eo ya dimeo tseo, mme di ile tsa fihla. Ho sa tsotelehe se o boletseng, o ile wa fihla. Empa motho mang le mang a kena moyeng wa bona, mme ba bona hobane ke mongwaha oo, le ho bona Modimo a netefatsa hore batho bao ba ka kgona ho bua ka dipuo, le dintho tse jwalo, e ile ya etsahala. Empa mohla a ne a tloha a tsitlallela ho re “bona ke bopaki bo le bong feela,” yaba e a shwa. Wa bona? Ho tswelapele hantle, wa bona. Yaba ke phetho. Yaba ba qala ba arola *sena*, *sane*, mme ba bopa mekgatlo ya bodumedi; mme e mong a tla ka lerus, mme e mong o tlide ka hara sehlahlia. Mme oh, kgidi, ke eo e ikela.

⁹² Ke se etswang ke bodumedi ba mekgatlo. Wa bona? Modimo ha se mothei wa bodumedi ba mokgatlo, hobane bodumedi ba mekgatlo ke Babilona, mme ha se Yena mothei wa pherekano. Re e bona kaofela ha yona e... Ha o a tlameha le ho ruteha le

ho e bona. Ke Babilona! Wa bona? Moetlo (e nahaneng), batho ba tshepehileng. Jwale, leha ho le jwalo, ka ho dumela seo, eka kgona ho fumanwe nqalo e le nngwe e mahlonoko moo Modimo a kopanelang teng.

⁹³ Jwale lemohang temana ya 2. “Le rapele nqalong eo Ke kgethileng.” Sehlabelo, ehlile, hona moo ba neng ba rapela sehlabelo teng. “Nqalo eo Ke e kgethileng; e seng e kgethileng ke lona, e kgethileng ke motho. Empa eo Ke e kgethileng, le rapele nqalong ena.” Hoo ho supa ho ena le nqalo e le nngwe, tse ding ke lefeela. Eka kgona e se be ya kgetho ya *hao*, e mpe e be ya kgetho ya Hae.

⁹⁴ “Be, ha ke a tlameha ho tsamaya kereke.” Kapa, “Kelello ya hao e patisane hakakang! Kgele, o bile o itlantla ka basadi ba rerang, le...kapa ka basadi ba pomang moriri wa bona, le banna ka dintho tse ding tsena. Kgele, kelello ya hao e patisane hakakang!”

⁹⁵ Ke hantle, ha o a tlameha ho amohela Lentswe la Modimo ka yona, ikele o tswelepele, o ye moo ba etsang tse tse jwalo. Wa bona? Mme o tla e fumana e le ka hara Lengolo, ka baka leo, “Ba Ntshebeletsa lefeela.” Jesu o buile ka yona ntho eo. Wa bona?

⁹⁶ Jota e nngwe le e nngwe e nyenyane, ntho ka nngwe, o tshwanela ho tshephahala ho yona. Kamehla ke nthwana e nyenyane—morara o monyenyane, seeshana—seeshana sa phokojwe se senyang morara. Ka nako tse ding le tlohela...Ha se dintho tse kgolo tseo o di etsang, ke dinthwana tse nyenyane tseo o di lesang di sa etswa. Hopolang, ketane e matla ka ho fetisa lehokelong la yona le fokolang. “Ho lehlohonolo ba phethang melao *yohle* ya Modimo, ba tle ba fuwe tokelo ya ho kena ka hare.” Etsang *sohle* seo Modimo a se buileng, mme E laetse basadi bohole ho hodisa moriri wa bona o be molelele.

⁹⁷ O re...Ha se kgale ha monna a mpolella, ho re, “Ha ke rere borapedi ba terata e anehang diphahlo.”

⁹⁸ Ka re, “E tla ba ha o bolele Evangedi.” Eya.

⁹⁹ Modimo o e adile ka ntle mono, O boletse se lokelang ho etswa. Mme o etsa hoo ho seng jwalo e...Ke taba e o tshwanelang, e loketseng. E ka ba nthwana efe feela...eng...nthwana e sa tsebisahaleng. Jesu o itse, “Ho lehlohonolo ba amohelang nthwana yohle e nyenyane, ya etsang dintho tse nyenyane.” Mme ho mosadi ho hodisa moriri wa hae, seo ke feela e...kgele, ke ntho eo a ka e etsang, mme o hana le ho e etsa. Ha a batle le ho e etsa.

¹⁰⁰ “Oh, ako re rute dintho tse kgolo.”

¹⁰¹ O ka ruta dintho tse kgolo, athe le sitwa ke tse paala, ntho e sa reng letho? Hobane, wa bona, morero wa hao le sepheo di fosahetse.

¹⁰² Ke lerato la hao ho Modimo, "Morena, ha ke tsotelle seo O batlang ke se etse, ke ikemiseditse ho se etsa." Ho na le moo o yang teng he, empa ha o sa etse jwalo, kamoo A e boletseng ho etswa...

¹⁰³ Ke kgetho ya Hae, "Nqalo eo Ke e kgethileng." Ke hona moo o rapelang le sehlabelo sa hao.

¹⁰⁴ Ako bee... Kaine o ne a tlise sehlabelo sa hae, Abele a tlisa sa hae, e itshetlehile nqalang eo o se isang ho yona. Haeba o se isa nqalang A e kgethileng, ho tla itokela, O tla se amohela; haeba ho se jwalo, A ke ke a se amohela. Ho sa tsotelehe... ke sehlabelo se le seng, leha e ka ba eng, se sa ntse se sa amo... se tliilo nyatsuwa, ha se sa tliswe nqalang e le nngwe eo e itseng.

¹⁰⁵ Jwale re batla ho fumana moo re batlang ho tlisa sehlabelo sena. Re ka fumana... Bohle re batla ho ya Lehodimong. Ha re jwalo na? Mme bohole re a tseba hobane re sitilwe. Bohle re a dumela hobane Jesu ke Sehlabelo. Jwale re batla ho tseba moo re Mo isang teng, se tla—se tla amohelwa. Wa bona? Ke hantle. Bibebe e re bolella moo re lokelang ho se isa teng, wa bona, mme se tla amohelwa; ka ntle ho moo, se ke ke sa amohelwa.

¹⁰⁶ Re boele re lemohe mona nqalo A e kgethetseng ho rapalatsa sehlabelo ho yona, nqalo A e kgethileng ho rapalatsa sehlabelo. O ke ke wa se rapalatsa dikgorong tse ding tsena; empa haese nqalo A e kgethetseng ho se rapalatsa ho yona, O boetse o beile Lebitso la Hae nqalang eo. Ke seo A se buileng mona. O kgethile ho bea Lebitso la Hae ho yona. Jwale ha re batliseng Mangolo a nqalo ena, hoba ke yona nqalo eo A beileng Lebitso la Hae teng.

¹⁰⁷ Jwale ha re baleng mohlodithero. Mme ke ne ke robaditse ntlha mona eo ke...hoseng hona, e mphihletseng. Ha re nkeng temana ya 2 ya kgaolo ena. Jwale, ha ke batle ho le tshwarella halelele, ka baka la batho, ba mametseng ka kgokahano tsena tse ka ntle mono. Jwale temana ya 2 ya kgaolo ya 16:

*O tla hlabela JEHOVA Modimo wa hao paseka, o mo
hlabelo makgomo a hao le dinku tsa hao, nqalang eo
JEHOVA a tla e kgetha ho bea lebitso la hae ho yona.*

¹⁰⁸ Jwale, le ke ke la nka sena...botshepehi ba hao le sohle seo o batlang ho ipolela sona, o ke ke wa se isa feela aletareng ya Methodise, aletareng ya Baptise, aletareng ya Pentekosta, empa aletare e teng kae-kae A e kgethileng eo A...ho bea Lebitso la Hae ho yona, mme O tla kopana le wena nqalang eo. Jwale, ha o ka hlophisa sohle mme sa matha ka tshwanelo, se tla matha; ntho ka nngwe e beilwe madulong. Haeba thapo eo e na le kgaello, lebone leo le ke ke la bonesa; hobane e tsetetswe. Mme ha o ka nka a mang a Mantswe a Modimo kapa tse ding tsa dinqalo tsa Hae, mme feela pelong ya hao o bolokile merero ya boitshepo, e tla tsetela matla a Modimo hona moo. Ha o e etsa kahobane o batla ho ba kgwalebohlajana, o batla ho fapano le

motho e mong, kapa ho hong, ke hona moo a tsetelwang teng, feuse e tlilo phatloha hona moo. O phoso. O tlameha ho tla ka botshepehi, ka pelo yohle ya hao. Merero ya hao le dipheo, di thewe hantle hodima Modimo. Ebe o batlisisa nqalo ya *Hae*, ho fumana moo A buileng teng, le ho se isa mono. Wa bona?

¹⁰⁹ Shebang Marethla le Maria. Mohla Jesu a kgutlileng, hoba A ba rute Evangeli ena (Lesedi la letsatsi la *Hae*, kaha E ne e le Messia), O ne a hlouwe, a kgeswa. Oh, Bafarasi le dikereke tsa Mo nyatsa. Empa Lazaro o ne a shwele, moena e beng e le motswalle wa *Hae* wa sebele. A mo siya a robetse mono; mme yaba ba romela ho Yena ho latwa, le ho tla A se ke a tla.

¹¹⁰ Empa le shebe Marethla, boitshwaro ba hae. O itse, "Morena, hola Wa ba teng mona." Mo bitse ka tlota ya *Hae* e Mo tshwanelang: Morena, M-o-r-e-n-a ka hlaku tse kgolo, *Yahweh*, Jehova. Thoriso! "Hola O le teng mona, kgaitsemi ya ka a ka be a sa shwa." Bophelo le Lefu di ke ke tsa hwanta motjhoporong o le mong, kapa tsa aha tlung e le nngwe. "Hola O... A ka be a sa shwa."

¹¹¹ Jesu a re ho yena, "Ke Nna tsoho le Bophelo," ho rialo Modimo. Wa bona? Eitse ha A rialo, pele, "Moena wa hao o tla boela a phela."

¹¹² A re, "E, Morena, ke dumela seo. Jwaleka Mojuda, ke dumela ho tla fihla tsoho ya bafu bohole; mme ke dumela kgaitsemi ya ka a tsebahetse a tsepame borapeding. Mme ke a dumela O Messia eo, ya lekantsweng Bibeleng, ka baka la Modimo o netefatsang Lentswe la *Hae* ka ho Wena hoo ho O supa o le morongwa wa hora ena. Wena O Messia eo. Ke a dumela O Kreste ya neng a tla tla, hobane mesebetsi ya Hao e paka Modimo a O romile kwano ho ba Messia eo." Oh, kgidi! Shebang ha diase di qala di kgohlela madulong jwale. Wa bona?

¹¹³ Jwale, o ne a ena le tokelo ya ho re, "Hobaneng O sa tla tsosa kgaitsemi ya ka? Hobaneng O sa mo fodise? O fodisitse ba bang. Ke motswalle wa Hao ya kgabane ka ho fetisa, mme jwale sheba se hlahleng." Tjhe, tjhe, morero o jwalo ha o ke o kgatha tema.

¹¹⁴ "Ke O dumela o le seo O tsebisitsweng o le sona Lengolong. Ke dumela lena e le letsatsi leo Messia a tlamehang ho fihla ka lona; esale re e lebeletse. Ha ke tsotelle ba bang ba reng. Ke dumela ka pelo yohle ya ka, ka baka la seo ke se boneng mme ke se utlwile ka Lentswe, hore Lentswe le netefaditswe ka ho Wena, hore O Messia eo." Wa bona, botebong ba hae, o ne a—a batlile ho kopa ntho eo, empa a tlameha ho kena motjheng o nepahetseng.

¹¹⁵ Hola a mathela mono mme a re, "Athe ebile O itse ho nna O Messia! Mme ha o na le tsotello, boitshwaro ba ho arabela kopo ya rona; athe re O fepile ra U kenya tlung, le sohle, mme

ra O emela, mme ra tela dikereke tsa rona, kamoo O re laetseng ho tswa bodumeding boo." Wa bona? "Mme ke rona bana re e tlohetse, mme jwale re nnkuwa re le dithole le mawatla. Hodima sohle seo re O etseditseng sona, mme ha o le mosa o paala feela ho arabela memo ya rona?" Jwale, ka tshwanelo, o ne a ena le tokelo eo.

¹¹⁶ Jwaleka ha le bua ka moriri wa lona o mokgutshwane, "Ke moahi wa Amerika. Nka tena dishoto, ho etsa seo ke se batlang, ha se tlolo-molao." Ke ditshwanelo tsa hao, empa nku e tela ditshwanelo tsa yona kamehla. Uh-huh. Haeba o le konyana, o na le boy a ke phetho, e a bo tela. Ke ditshwanelo tsa yona tse abilweng ke Modimo, empa e a e tela.

¹¹⁷ "Ke na le tokelo ya ho ngodisa bodumeding bofe feela." Ke hantle haholo, empa o a e tela. Wa bona?

¹¹⁸ O tela ditshwanelo tsohle tsa hae, ho elellwa Lentswe la Modimo le bonahaditsweng pela hae hantle mona.

¹¹⁹ O itse, "Ke Nna tsoho le Bophelo. Ya dumelang ho Nna, leha a ka shwa, o tla phela. Ya phelang mme a dumela ho Nna a ke ke a shwa. Na o dumela see?" Wa bona, ho ne ho ena le molawana o le mong a eso kgohlele ho wona. Wa bona?

¹²⁰ "Ee, Morena! Ke a dumela O Kreste, Mora Modimo o phelang!" Oho moena, sohle keha se le mothating wa hotela lekgatheng leo. Wa bona?

¹²¹ "Le mmeile kae?" Wa bona? Mme le tseba se hlahileng.

¹²² Wa bona, o tlameha ho kena nqalang e nepahetseng eo pele A amohela sehlabelo sa hao. Wa bona, o tlameha ho kena ho sona. Shebang.

...nqalang eo JEHOVA a tla e kgetha ho bea lebitso la
hae ho yona.

O se ke wa e jelella le bohobe bo lomositsweng ho
yona; ...

¹²³ Sehlabelong hoo ho lekanya'ng? Le se ke la se tswaka le tumelwana, eka kgona e be Lentswe. "Ho se be bohobe bo lomositsweng." Tomoso ke... Le tseba seo tomoso e leng sona nthong tsohle. "Tomoso e nyenyane e hohomosa hlama yohle," hlama yohle ke Mmele. O ke ke wa sutela thojana ya bodumedi kapa tumelwana ho Kreste. Tjhe, monghadi, e ke ke ya sebetsa.

¹²⁴ Ana le sa hopola Molaetsa wa Labone le fetileng? Monna wa hao wa kgale o tlameha ho shwa. Hantle. Monna wa hao e motjha ke Lentswe.

...ka matsatsi a supileng ho se ke ha bonwa tomoso
teng, ...

¹²⁵ "Matsatsi a supileng," hoo ho bapisa'ng? Mengwaha Kereke e Supileng e tletseng, matsatsi a supileng. Ba ne ba tlameha ho ja eng ka matsatsi a supileng? Pele ho eng? Pele ba tswa.

Mme mongwaha wohle wa kereke, ho qala tshimolohong ho isa qetellong, o tlameha ho phela feela ka Lentswe la Modimo la mongwaha oo. Ka baka leo tumelwana ya lona ya Roma, Methodise, Baptise, tumelwana ya Pentekosta di shwele ka hohle.

¹²⁶ Jwale ela hloko.

...hona teng, *mahobe a mahlomola*; . . .

Ho hlorisetswa Lona; Luther, Wesley, Mapentekosta; bohle ba ne ba hloriswe, le wena o tla etswa jwalo.

...*kahobane o tswile naheng ya Egepeta ka potlako:...o tle o dule ka matsatsi wohle...hopole ka matsatsi wohle a ho phela ha hao letsatsi leo o tswileng naheng ya Egepeta ka lona.*

Ka matsatsi a supileng ho se ke ha bonwa teng... tomoso ha hao;...

¹²⁷ Ka hara Monyaduwa e motle wa Kreste, ka mora lefu la Yona Mengwaheng e Lefifi ka baka la mmuso wa Roma, E ne e lokele ho shwa, “Ekare ha hlaku ya koro e sa wele mobung.” Monyadi o ne a tlamehile ho fihla, Patsa ya Modimo e tswileng-matsoho. Bohle le utlwile molaetsa wa ka ka yona.

¹²⁸ Mme nkile ka ema mono, Los Angeles, mane Forest Lawn, tsatsi le leng, mme pelo ya ka ya kabakaba. Ba ba kae ba kileng ba fihla Forest Lawn? Teng ho na le...sefika sa Moshe ka—ka...—angelo, ke a kgolwa ke Michelangelo. Mme ke sefika se phethahetseng, tsohle haese hodima lengole le letona; ho na le sekgetshe sa botebo ba halofo inchi. Mme yaba lesupatsela...Ke ne ke shebile, mme yaba o ntshupisa sona. A re, “Michelangelo o ne a qete nako ya bophelo a leka ho—ho betla...E ne e le mmetlatshwantsho, mme a leka ho tjheta sebopheho sa Moshe. Se dutseng morao kelellong ya hae, kelello ya hae e emere seo Moshe a tlamehang a ba na shebeha kateng. A se bolokile pelong ya hae, seo Moshe a tshwanetseng a ba na shebeha kateng. Mme yaba o qeta nako ya bophelo ba hae; a ntse a honya hanyenyane mona, mme a se hohle, a nto emella morao a se bohe. Selemo ka morao ho selemo ka morao ho selemo, a ntse a sebetsana le sona. Qetellong hoba se qetwe, yaba o emella morao mme a bea lesela la hae fatshe le noto ya hae, a boha sefika seo. E ne e le setshwantsho se phethahetseng sa Moshe a neng a se fupile pelong ya hae, a ba a lahlehelwa ke botho ba hae, a phamola noto a se otla, a howeletsa, “Bua!” Se reilwe *Phatsa Ya Michelangelo*. Ntho eo ya tonana ka hara mmetlatshwantsho, pono e tshwanelang Moshe a kileng a e emara, o ne a mpa a supa papiso ya Ntate Modimo o moholo.

¹²⁹ O ne a bolokile pelong ya Hae, pele lefatshe le thewa, Mora, hoba Yena ke Ntate. Empa hoo ho ne ho ahile dipeong tsa Lentswe la Hae. Mme yaba O bopa monna, mme A lokela ho

mmea hodima motheo wa boikgethelo, empa monna eo a sitwa. Empa Mmetlatshwantsho e moholo, Modimo, ya entseng motho ka lerole la lefatshe, ha A e kgotsofalla, A qala a boela a etsa motho. Mme A etsa Nowe, a shwa a tahilwe. A etsa Moshe ya sitlweng ho boloka Lentswe la Hae. A etsa baporofeta ba neng ba baleha mehleng ya tlakotsi. Mme A nna a haha a ntse a bopella ho fihlela ka mora nakwana A batlile e—e phatsa e tswileng-matsoho, ho hadimisa Yena, hlaho ya Hae, se neng se dutse pelong ya Hae e leng seo mora a lokelang ho ba sona.

¹³⁰ Tsatsi le leng, tlase Jordone, hoba Phatsa eo e tswileng-matsoho e botjwe e etswe, ke Eo a etla a theoha ka...hodima mapheyo a Leeba, ho re, “Enwa ke Yena!” A susumetswa ke Phatsa ena e tswileng-matsoho A ba a E otla Kalvari, A tle a shwe, hoba rona bohle re ne re sa phetheda; hore ka tshollo ya Madi a Hae, A tle a hlahise phatsa tse ngata tse tswileng-matsoho (e leng Monyaduwa) ho Mora wa Hae. Phatsa e tswileng-matsoho e mehwabadi tjena ka baka la tjheseho ya Modimo o boneng Phatsa e kanana e tswileng-matsoho, O ile a Mo otleta rona bohle. Wa bona? Teng A shwa, ho phethisisa rona ba sa phethehang. Phatsa e tswileng-matsoho.

¹³¹ Lemohang ka mona. O boletse:

...*matsatsi a supileng ho se ke ha bonwa ditomoso*
tsena ho wena...

¹³² Jwale, bohobe bo ne bo bapisitswe. Jesu o itse, “Motho a ke ke a phela ke bohobe feela, empa le ke Lentswe le leng le le leng.” E seng feela—feela Lentswe mona le mane kamoo bodumedi bo batlang hoba re Le dumele kateng. Empa Lentswe la Modimo le phethahetse! Ke Modimo ka Boyena ka sebopoho sa mongolo, lona le bitswa “Peo.” Mme tumelo ya mofuta o nepahetseng e sa silafatswang Lentsweng leo e tla Phedisa Peo eo.

¹³³ Ke sona seo le se bonang bosiu ditemohong tsa moyo, le dinthong tsena tsohle, hobane ke pallo e entsweng ke Modimo. Mme esale A ema pela ka a mpolella, mme a ntjwetsa dintho tsena “ho tla hlaha meshaqane, empa o itiise.” Ke a E dumela. Mme ha ho morero wa boitshepo, ho utlwisa motho bohloko, e mpa e le ka tshabo ho Modimo le ho phethisa mosebetsi A mpileditseng ho o etsa, ke ka baka leo ke buang dintho tsena. Mme Modimo o boela a e thasisleetsa, mme o amohela nyehelo le sehlabelo, ka ho se netefatsa e le Nnate. Ha ho potso ho Yona! Jwale shebang Lentswe leo!

¹³⁴ Jwale, mona re a eellwa, “*Matsatsi a supileng*,” ke sekgala sa mongwaha kereke o mong le o mong. Jwale, erekaha Phatsa e tswileng-matsoho eo e ne e loketse ho shwa, o tle o tsosetswe ho lopolla rona bohle. Yaba O hlophisa kereke mane Pentekosta, empa Kereke eo ya lokela ho feta sehlabelong; mme lefatshe la Roma la e bolaya, la e sunya mobung.

¹³⁵ Jwaleka mongodi enwa wa buka ena, ha ke sa e hopola jwale, ya ntshomileng hakana, mme a re, "Hara bodiabolosi bohle, William Branham ke e mong." Wa bona, ke sona seo Diabolosi a lekang ho se bua. O itse, "Dipono le dintho," ho re, "ke tsa Diabolosi." A re, "Kapa, ho seng jwalo ke moupelli wa mofuta, kapa o sebedisa bonono bo phahameng ba maikutlo." Kamehla lefatshe le hlalefileng le leka ho E akanya.

¹³⁶ Ke hona moo ba kileng ba leka ho akanya Jesu teng. "Ebe dintho tsee O di etsa jwang? E entswe ke'ng?"

¹³⁷ O itse, "Ke tla le botsa potso. Ana tshebeletso ya Johanne Mokolobetsi... E ne e le ya Modimo kapa ya motho na?" Wa bona?

¹³⁸ Ho re, "Ha re kgone ho bolela."

¹³⁹ Ho re, "Le nna Nke ke ka le bolella." Ke hantle. Ba ile ba tswelapele. "Haesale ho qala mohlang oo ha ho motho ya itetileng ho Mo botsa letho." Wa bona? A mpa a ba kgaola ha kgutshwane, A se ke a ba bolella letho ka Yona; ha e batle bona. A ena le mosebetsi a tlamehang ho o etsa mme O ile a o phethela.

¹⁴⁰ Modimo a re thus ho etsa jwalo. Ha re a tlameha ho arabela dipotso tsa Diabolosi, ke hantle, "Haeba o le yena, etsa *sena-le-sena*." O jere boikarabelo ba Evangeli eo, moreri o jwalo, mme ke phetho; e sang hore E ngotswe jwang, boikarabelo ke ho E bua feela.

¹⁴¹ Mme jwaleka mosebeletsi, haeba o le moporofeta, o ikarabella ho Modimo. Mme haeba dipono tse fihlang di kgantsha Lengolo lena le seo Le leng sona, o jere boikarabelo ba Lentswe ka leng le ka hara Bibele eo, hoba Le ne le ngolwe lohole ke batho ba kang wena. "Modimo wa boholo o ne a tsamaya, ka baporofeta, mme wa ngola Ha-... Bibele e Halalelang." Wa bona? Mme ha ho moporofeta wa makgonthe wa Modimo ya ka latolang Lentswe ka leng la Yona, haese ho dumela Lentswe ka leng le ho rera jwalo. Mme teng Modimo o tlameha ho tswa motjhoporong oo ho etsahatsa Lentswe leo hantle kamoo Le baletsweng kateng, Peo e tla mela.

¹⁴² Jwale le boele le ellwe, ka potlako, mona re fumana matsatsi a supileng wohle ao bohobe bona bo tlamehang ho jewa ka wona, ho haola le Mengwaha Kereke e Supileng. Jwale, ke mohla e ne e lokela ho shwa mme e kena mobung.

¹⁴³ Mme moseholli enwa ya buileng ka nna, o itse, "Modimo o rapelwang ke lona batho ting, a na dutse Mengwaheng e Lefifi a shebeletse bomme bao, ba baimana, bang ba bona ba sikile masea diatleng tsa bona, batho ba tshepehang, ba akgelwa ka hara diarena mme ba rusullwa ke ditau, mme ba howeletsa; ba ba feha difapanong ba ba tjhesa; ba hlobodisa basadi bao, barwetsana ba batjha, mme ba ba tjebela morao

tjena, ba ba sasaletsa ka ditau.” Ho re, “Modimo o ka itulelang Mahodimong, eo ho thweng o dutse Teroneng ya Hae, mme a nyaretse fatshe mme A re o thabiswa ke yona,” ho rialo.

¹⁴⁴ Hape, wa bona, eo ke kutlwisiso ya hlalefo e leng ya Diabolosi. Hola motho e le motho wa moyo, a ka be a tsebile hobane hlaku eo ya koro e tlamehile ho shwa, e ne e tlamehile ho patwa ka hara khathederale ya Roma.

¹⁴⁵ Empa yaba moo qobanyana eo ya pele ya Bophelo e hlahang ka hlabollo ka Martin Luther, ho re, “Ba lokileng ba ke ke ba phela ka bohobe ba kosha e hlohonolofaditsweng eo moprista a e etsang, empa ka Lentswe la Modimo. ‘Ba lokileng ba tla phela ka tumelo!’” O ile a hlahisa thutswana tse pedi. Hlaku ya koro ya qala ya mela.

¹⁴⁶ Ha ntano latela John Wesley yaba o ekeletsa hoo. (Ho hlahile ba bangata, ba . . . Ha hlahi Zwingli le bao mme ba latola tswalo ya morwetsana, mme ya eshwa). Empa yaba ho latela Methodise, tjellane, pholene, letsatsi la boromuwa. Mme ba rerile kgalaletso; ho eketsa ho tjellane.

¹⁴⁷ Yaba ho latela Mapentekosta ka lekgapetla, hoo, ho thetsa Bakgethwa. Le ne le tshwana le thollo ya sebele ya koro, aka le phetle, ha ho koro ya letho. Empa Bophelo bo haola le hara lekgapetla.

¹⁴⁸ Jwale, na le eleletswe, dilemong tse ding le tse ding tse tharo ka mora e—e kopano e kgolo, ho etsahalang? Bodumedi ba mokgatlo. Mona ke dilemo tse mashome a mabedi mme ha ho bodumedi ba mokgatlo. Wena Konyana e ratehang e shwang, le ka mohla e se ke ya etsa jwalo. Ha nka kena molokong wona, batho ba dumelang Molaetsa wona ba se ke ba mamella mokgatlo wa bodumedi ka kgutso! Modimo o tla. . . Le tla shwella mehlaleng ya lona hantle! Hopolang seo! Mohla le bitsang mokgatlo wa bodumedi hara lona, ha ke tsotelle le tshepeha ha kakang, ho ikgethela moetapele wa motho sebakeng sa hore Moya o Halalelang o thasisetse Lentswe lena, o shwa horeng yona eo! Peo ya makgonthe e ke ke ya kgona, hoba ka morao ho peo ha ho a salla letho, ke ntho e tshwanang le e neng e le morao tshimolohong. Ke Monyaduwa ya wetseng mobung ya tla boela a hlahisa hlaku ya koro.

¹⁴⁹ Lemohang:

. . . matsatsi a supileng ho se ke ha bonwa ditomoso
ho wena . . .

¹⁵⁰ Mme ho tla ba jwalo ho Monyaduwa . . .

¹⁵¹ Jwale, lona batho le kileng la newa mama eo wa Methodise ya howeletsang, le dintho tse jwalo, yaba le a nahana “Haeba a sa bue ka dipuo, a ke ke a fihla mono.” Ke leshano! E ne e le Moya o Halalelang oo le nang le wona kajeno, empa o nkile sebopheho sa tjellane, e seng ka kgutlisetso ya dineo. Empa

matsatsi wohle a supileng, le je feela bohobe bo sa lomoswang, Lentswe. Bao, morao, bao ba bopileng mokgatlo wa bodumedi, ba shwele. Ke tlhaka, ba tla bokellwa mme ba tjheswe. Empa Bophelo bo tswelapele hantle bo ntse bo haola. Mme ebe moo ho etsahalang? Bophelo bohole bo nong bo le ka hara tlhaka, ka hara tjellane, ka hara lekgapetla, bohole bo qhobellana ka hara koro. Mme wona Moya o Halalelang o hlahisitseng Luther, o hlahisitseng Wesley, o hlahisitseng Mapentekosta, o qhobellana ka ho Monyaduwa tsohong.

¹⁵² “Ka matsatsi a supileng, le je bohobe bo sa lomoswang.” Ha ho tomoso e tla fumawa hara Monyaduwa, ho se—ho se eketswe lentswe, ha ho letho. Hopolang, lentswe le le leng le bakile lefu ka leng hodima lefatshe; ngwana e mong le e mong wa bonyatsi o tswetswe ka baka la Eva, kereke ya pele, monyaduwa wa Adama wa pele, o belaetse Lentswe la Modimo mme a amohela mokgatlo wa bodumedi, kapa hlalefo, kapa dikolo tsa lona tse Le kgethang; hobane Le ntshitswe ke mabaka, ho re, “Ruri, Modimo ke Modimo o lokileng.” Modimo ke Modimo o lokileng, empa O boetse ke Modimo wa toka. Re tshwanela ho boloka Lentswe la Hae! Sekolo, sona o se amohetse.

¹⁵³ Ke hona moo bang ba lona bashanyana ba koleshe, ntle le pelaelo pitso e dutse bophelong ba lona, empa o mathela sekolong se itseng sa Bibele ho sutelwa thuto ena, mme ke hona moo o shwang teng... Dula le Modimo le Lentswe la Hae. Ba ke ke ba o dumella; kapa, o ke ke wa ba setho sa phutheho ya bona, ba ke ke ba o amohela kalaneng ya bona. Ba ka nna ba itulela ka yona, lesang bafu ba pate bafu, a re saleng Kreste Lentswe morao.

¹⁵⁴ Jwale, ha ho tomoso e tla lomosa Monyaduwa ka matsatsi a supileng, Kereke, matsatsi a supileng.

¹⁵⁵ Lemohang jwale. Jwale jwaleka ha ho se...

Ka matsatsi a supileng ho se ke ha bonwa ditomoso ha hao naheng yohle;... (Mona sehlabeled ke papiso: Monyaduwa o tswa Sehlabeledong e leng Kreste.)... le haele nama ya sehlabeled seo o se etsang ka mantsiboya a letsatsi la pele, eka kgona ho se ke ha salla hosasane letho,...

¹⁵⁶ Le hopola—hopola kamoo re sa tswa feta Mengwaha Kereke? Moromuwa o fihla ho shweng ha mongwaha wa kereke e nngwe, kamehla. Ho shwa ha Pentekosta ho hlahisa hlwibili ya Monyaduwa. Wa bona? Ho shwa ha Luther ho hlahisitse Wesley. Wa bona? Ho shwa ha Wesley ho hlahisitse Pentekosta. Ho shwa ha Pentekosta ho hlahisa Molaetsa jwale. Mona, e mona hantle, e bapisitswe hohle Lengolong. Ha ho Lengolo ka hara Bibele haese le hokahanang le le leng. Wa bona? Dipapiso tsena tsohle. Ha ke na thuto, empa ke na le

Moya o Halalelang o ntshupisang kahara motjhoporo o mong, o rutang ka—ka hlaho; mme ke ka Lentswe. Eka kgona e be Lentswe, dintho tse tshepisitsweng.

... *nama, ... sehlabelo letsatsi la pele ... mantsiboya,*
eka kgona ho se ke ha salla hosasane letho.

¹⁵⁷ Jwale, esita le Luther, ya n'a tshwere Nnete mme a ruta kereke “ba lokileng ba tla phela ka tumelo.” Ha le batle ho kakatlela hoo e le thuto e tletseng, mongwaheng wa Methodise. O tla etsa'ng? Se tjhese ka mollo. E ne e le papiso ya'ng? Mokgatlo wa bodumedi o tswang Lentsweng leo ke lekgapetla, tlhaka, makgapetla, eka kgona o tjheswe ka mollo. Karolo ya mokgatlo wa bodumedi boo e tswang ho bona e se ke ya salla, e tlamehile ho shwa. Le se ke la e siela mafube a mongwaha o mong—mong, e tjhese! Mme jwale O bua le Monyaduwa mona, Monyaduwa feela, ya nyolohang ka mongwaha o mong le o mong.

¹⁵⁸ Lemoha e babatseha ha kakang, “Madi a konyana.” Dintho tsena ke Mmele wa Kreste, Sehlabelo: madi a konyana hodima monyako. Jwale, hopolang, konyana e neng e hlajwe e ne e le papiso ya Kreste.

¹⁵⁹ Kapa re qeta nako e ngata, empa ha ke eso fumane... ke tlameha ho dula metsotso e meng e mmalwa feela mona. Nka tshoha ke tlangwa ho o poma le ho boela ke qala mantsiboya ana, wa bona, hoba re nka nako e telele. Ke...Ke tshwere maqephe a mashome a mabedi a sena mona, a dintlha, mabapi le sehlooho sena mona.

¹⁶⁰ Jwale lemohang, tabeng ena, e—e konyana e ne e le Kreste papisong. Kapa na ke e buile hantle? Papiso; Kreste e ne e le Konyana. Eka kgona e be e tona, letsibolo la sethole sa kgale; kapa yew, e leng hore le batla ho e bitsa jwang. Eka kgona e be letsibolo. Mme e tshwanela ho lekwa pele ho bona haeba sekodi se le teng.

¹⁶¹ Jwale, Kreste o ne a hlahlojwe; konyana ya letsibolo e tswang ho mme sethole, morwetsana Maria. Mme ya hlahlojwa ka'ng? Satane kgahlano le Lentswe. Mohla a na a otla Eva, o ne a sitwe; ho otla Moshe, o ne a sitwe; empa eitseha a pharumela Kreste, mme a leka ho Mo fafaletsa Lengolo ka phoso, uh-huh, a fihlela e se Moshe. Wa bona? O ne a hlahlojwe. Ho ile ha... a fetoha, a re, “Haeba O le Mora Modimo. Jwale ba mpolella hoba O etsa mehlolo, mme ba mpolella hoba Messia o tlameha ho etsa hoo. Jwale, haeba e le yona, O lapile, ha O eso je, fetola bohobe e be...majwe ana bohobe, mme o je.”

¹⁶² A re, “Ho ngodilwe, ‘Motho a ke ke a phela ke bohobe feela.’” Tumelwana ya hao, le dintho tse jwalo. Empa ka'ng? Lentswe ka leng! Karolo ya Lentswe? “Lentswe le leng le

le leng le tswang molomong wa Modimo.” Ke seo motho a phelang ka sona. Wa bona? Konyana e ne e hlahlojwe, ho bona haeba ho se moo A sitlweng teng.

¹⁶³ Bafarasi, “Oho Rabbi, O Moporofeta e motjha, re nahana hoba O a babatseha. O lokile.”

¹⁶⁴ “Le Mpitsetsa’ng ya lokileng? Ya lokileng o mong feela, mme eo ke Modimo. Le a e dumela na?”

¹⁶⁵ “Oh, ee. Modimo.”

¹⁶⁶ “Be, Ke Yena, he.” Uh-huh. “O itse ya lokileng o Mong feela. Le Mpitsetsa’ng ya ‘lokileng,’ ha le sa dumele hoba ke Modimo?” Uh-huh. “Le Mpitsetsa’ng ya lokileng? Le etsitswa ke’ng jwalo? Le susumeditswa ke’ng ho rialo, athe le tseba ya lokileng a le mong feela, mme ke Modimo?”

¹⁶⁷ “Re a tseba ha O ye ka tshobotsi ya motho leha e le polelo ya seemo sa bona. Re tseba hoo.” Ho leka...O ne a tseba moikaketsi eo. Wa bona?

¹⁶⁸ O ne a hlahlojwe ho bona moo A na a eme teng, wa bona, ho lekwa ka mekgwa yohle, ho lekwa jwaleka ha le rona re lekwa. Empa ho lahlela marapo, ho Yena ha ho a ka ha fumanwa, ho hang. Tjhe, monghadi! E ne e le Mora Modimo.

¹⁶⁹ Mme konyana e ne e hlahlojwa, mme ya bolokwa matsatsi a leshome le metso e mene. E ne e le Disabatha tse pedi, kapa mengwaha e mmedi. O mong wa Bajuda, etswe ba kile ba nyehela konyana e le papiso; e nngwe ke ya Baditjhaba, ba tshwereng Konyana ya sebele, mme bohle ba phetheha ka ho dumela Konyana ena e tlangu ho tla. Empa O kile a lekwa leshome le metso e mene...kapa a hlahlojwa matsatsi a leshome le metso e mene, E ne e le Lentswe.

¹⁷⁰ Mme o ka hlahloba Testamente ya Kgale, ho re “E ahlola e Ntjha.” O fositse! Tesatamente ya Kgale e tjhaella e Ntjha.

¹⁷¹ Monna o ne a tla mphepetsa nakwana e fetileng, ho re, “Molato ke’ng ka yena?” Ho re, “Be, o bile o ruta ka Testamente ya Kgale.” Moreri wa Mokreste, e nahanteng. Ho re, “Testamente ya Kgale e shwele e fedile.” Oh, tjhe! Oh, tjhe! E mpa e le molebedi, ya bontshang se ngotsweng leboteng. Wa bona? Ke hantle.

¹⁷² Jwale, wa bona, e ne e hlahlojwa matsatsi a leshome le metso e mene, eo e ne e le Kreste. Jwale elellwang, yaba O bolawa nakong ya mantsiboya, e tlameha ho hlajwa, konyana e ne e sebetswa jwalo. Kreste o shwele nakong ya mantsiboya, thapama. Mmne le ntoo elellwa, yaba hape o...

¹⁷³ Madi a ne a tlotswa dikoseneng, wa bona, etswe madi e le bophelo ba phoofolo. “O tla ja nama ya yona; empa haele madi a yona e leng bophelo, o tla a tsholla.” Wa bona? E ne e tlameha ho...Madi a ne a tlotswa koseneng ya monyako ya ntlo eo

sehlabelo se amohelwang ho yona. Thoriso! Bophelo ke'ng? Lebitso. Hono . . . O ne a maneha lebitsola motho . . . Ako nyolohele monyako, mme o shebe, sheba lebitsola le hodima monyako pele o letsatleloko. Wa bona? Madi a na a tshaswa koseneng ya monyako e le papiso ya seo sehlabelo se ka hare se leng sona.

¹⁷⁴ Jwale re tlilo fumana nqalo ya ho rapela, hantle ka hare ka mono, ho tla ka Madi ao. Lemohang, madi a monyako a ne a bua ka lebitsola se neng se etsahala . . . se leng ka hare, ba ne ba le ka hare ka mono. Nqalo ya rona ya ho rapela, Konyana, ke Lentswe. Re tseba seo.

¹⁷⁵ Jwale, temana ya 4, lemoha, "Ho se ke ha salla bohobe, ho se ke ha salla sehlabelo," kapa, la nka se e leng sa mongwaha o mong ho se fetisetsa ho o mong.

¹⁷⁶ Ho leka ho kgutla le ho re, "Be, jwale, re Maluthere, re batla ho nyolohela mona," o tlameha ho shwa nqa mongwaha wa Luther ho tswallwa mongwaheng wa Wesley. O tlameha ho shwa mongwaheng wa Wesley ho tswallwa mongwaheng wa Pentekosta. Mme o tlameha ho shwa mongwaheng wa Pentekosta, o se ke wa siya letho la wona, le tjheso ka mollo, hoba le tlilo tjha jwaleka tlhaka eo koro e tswang ho yona. Tlhaka, mokgatlo wa bodumedi, eka kgona o tjheswe. Ha ho le jwalo o se ke wa tshethemela Molaetseng o motjha ka mokgatlo wa hao wa bodumedi. Lena ke Lentswe jwale. Ke se bopileng mokgatlo wa bodumedi, tlhaka; e kile ya Le jara, ke hantle; empa Le tlide la tshelela ka *mona*, yaba tlhaka e a shwa. E ne e le pelesa, mokgatlo wa bodumedi, empa Lentswe le tswelapele hantle. Eya, Lentswe le tswelapele hantle.

¹⁷⁷ Jwale ha re nkeng temana ya 5 le ya bo 6. Lemohang, "Ho se . . ." Jwale ha re nkeng temana ya 5 le bo 6.

*O se ke wa hlaba paseka ho ofe kapa ofe hara metse
ya hao, eo JEHOVA Modimo wa hao a o neang yona:*

¹⁷⁸ Jwale hopolang, "E se be ho efe ya dikgoro tsena." Morena o le dumetele ho ba le mekgatlo ena ya bodumedi, wa bona, "dikgoro tsena."

*E mpe e be nqalong eo JEHOVA . . . Modimo wa hao a
tla e kgetha ho bea lebitsola hae ho yona, . . .*

¹⁷⁹ Ke yona Kgoro, yona feela nqalo. "E se be ho efe ya dikgoro tsena." Empa Modimo o na le Kgoro.

¹⁸⁰ O re, "Hoseng ka hong ke kena kgorong ya Methodise." Eo ke kereke. "Hoseng ka hong ke kena kgorong ya Katolike." Uh-huh. Be, Morena o ne a dumelle batho ba Hae ho kena le ho tswa dikgorong tseo. Modimo o na le batho ka hara kereke ya Katolike, kereke ya Methodise, kereke ya Presbeteriene, tseo tsohle, Mapentekosta. Ehlide, empa o se ke . . . le se ke la rapela Morena kgorong eo. Wa bona? Empa Morena o na le kgoro e ikgethileng. Thoriso! O na le kgoro.

E mpe e be nqalang eo JEHOVA Modimo wa hao...a tla e kgetha ho bea lebitso la hae ho yona, mono...ke hona moo o tla hlaba paseka mantsiboya,...

¹⁸¹ Rebeka o ne a fumane Isaaka neng? Eleazare o ne a mmitse neng ho ba monyaduwa? Nakong ya mantsiboya!

Lesedi le tla tjhaba nakong ya mantsiboya,
Tsela e yang Kganyeng le tla e fumana ruri;
Lesedi le tjhabile tsela-metsing eo kajeno,
Ho patwa ka Lebitso le ratwang la Jesu;
Batjha le baholo, bakang dibeng tsa lona
tsohle,
Ruri Moya o Halalelang o tla kena ka hare;
Masedi a mantsiboya a hhahile,
Ke nnete Modimo le Kreste ba bang.

¹⁸² E ne e le qaleho ya Yona, jwale esale a dutse Leseding la Monyaduwa. Le bona seo ke se bolelang?

¹⁸³ Nka mpa ka kwala mona, ke boele ke qale bosius bona, hoba ha ke batle ha le tlohela sena, wa bona. Tjhe, tjhe, ke—ke nako ya tinare. Be, be, ke ngotse dintlha tse ngata mona. Oh, kgidi! Ho ka ba jwang bosius bona, na ho tla ba molengwana? [Phutheho e re, “Tjhe. Jwale.”—Mong.] Huh? Be, haeba o...Na le batla ho leka ho tswela pejana? [“E. Amen.”] Ho lokile, ha re kgatheng tema nakwana, re tlilo potlaka haholo. Hoo ho jwang?

¹⁸⁴ Jwale, le kene le hokae? “O se ke wa kena ho efe ya kgoro eo Morena Modimo a o neileng yona, empa kgorong eo Morena a tla bea Lebitso la Hae ho yona.” Ha se ho kena tlung ya—e ya kgoro eo e leng monyako. Ke hantle? Modimo o tlilo bea Lebitso la Hae monyako, mme le se ke la...Ke yona kgoro e kenang nqalang ya ho rapela, nqalang e halalelang. Le se ke la kena dikgorong tse ding tsena ka sehlabelo sa lona, empa kgorong eo Morena Modimo a e kgethang ho bea Lebitso la Hae ho yona. Wa bona?

¹⁸⁵ Jwale, ana O entse seo? Kgoro eo e ho kae? Ho Mohalaledi Johanne 10, Jesu o itse, “Ke Nna kgoro, monyako. Ke Nna monyako wa Ntlu ya Modimo. Ke Nna monyako wa dinku.” E seng wa mohlape wa dipodi, empa wa mohlape wa dinku. Wa bona? “Ke Nna monyako wa dinku. Motho ya kenang ka monyako wona, o tla bolokeha.”

¹⁸⁶ Jwale re ka dikadika halelele mono. Empa, ho baballa nako, ke Yena monyako wa dinku tseo. Jwale, mona re batla ho elellwa. Diriti le dipapiso di hlile di a bonahala hona mona, empa ke...ha nka nanabela leqephe leo nka...le ka le tshwarella nakwana.

¹⁸⁷ Ho lokile, lemohang, hona ho pepesa ka ho phethahala, Jesu Kreste. Hoba Testamente ya Kgale yohle ke papiso ya

Hae, mekete yohle, borapedi bohole, le ntho ka nngwe. Mme fatshe mona ke ngotse, tla sa lethathama lena la Mangolo, “E hhalose.” Ke hona moo e tla qeta nako e ngata. Hhalosa kamoo mekete ena yohle... Esita le nyehelo ya phofo e ne e bapise Kreste. Ha re nkeng e le nngwe eo.

¹⁸⁸ Ho kile ha ba le e—e sekolo se reilweng sa bareri, kapa sekolo sa baporofeta. Ba rupeletswe, baporofeta ba rutehileng. Mme yaba ho hlahwa makgonthe, moporofeta ya bitsitsweng se-Modimo tsatsi le leng a ba etela. Be, ba ne ba batlide ho bontsha moporofeta mosa o monyenyane, ka hona e mong wa bona a tswa mme a kgola sehlahlahadi a lekanya hoba ke dierekisi; athe ke maraka a tjhefo, mme a ttilo ba tsholela ntho eo yohle.

¹⁸⁹ Oh! Re fumane sehlahlahadi sa seminare tse kae! Wa bona? Hantle. Ba ntse ba apeha ntho e sele. Wa bona? Sehlahlahadi sa Methodise, sehlahlahadi sa Baptise, sehlahlahadi sa Pentekosta. Empa, wa bona, ke semela sa bobedi, ke sona se hlaolwang sefateng. Wa bona, ha se Morara o moholo. Se bea dilemone, tholwana ya morara, le dintho tse jwalo; ha se dilamunu, empa di itlaleha e le disitrase.

¹⁹⁰ Le boele le ellwe. Jwale, lebakeng lena—lebakeng lena, eitseha Elia a hlahwa a di sheba, mme a fumana e le maraka a tjhefu a ka bolayang e mong le e mong wa bona, ba re, “Jo nna, re fumane lefu ka pitseng!”

¹⁹¹ A re, “Ntlisetseng phoofo e tlalang seatla.” Mme a nto faha phoofo ka hara yona, a re, “Jwale e phekotswe, le ka ja seo le se batlang.” Ya fetolela lefu bophelong.

¹⁹² Mme nyehelo ya phoofo e neng e abjwe... Kreste, e ne e le Yena nyehelo ya Phoofo, mme nyehelo ya phoofo eka kgona e thumiswe ka lelwala le ikgethang le silang bohashana bohole ba phoofo mathumisa a lekanang, ho supa hobane esale Yena maobane, kajeno, le ka ho sa feleng. Ke yona ntho e fahwang mokgatlong wa hao wa bodumedi mme bo tla phela, Lentswe! Kreste ke Lentswe, dipapiso tsohle tsa dintho tsohle: tabernakele, e—e—e bohobe ba pontsha, ntho ka nngwe. Bohobe ba kosha bo robilweng tla sa dejana e ne e le mmele wa Hae o robilweng, le jwale Bajuda ha ba kgone ho hhalosa lebaka leo ba etsang jwalo. Wa bona? Mme dintho tse ding tsena tsohle di ne di bapisa Yena.

¹⁹³ Jwale, hape, O hlahwa pepenene pontsheng, ka baka leo re bona bodumedi bohole ba mekgatlo le ditumelwana di salla morao; hoba e le Yena Lentswe la Modimo le hlwekileng le sa fetoheng, e leng bohobe bo sa lomoswang, Mohalaledi Johanne 1. Ke hantle, ke Yena Bohobe bo sa lomoswang. Ka baka leo ha o eketsa *sena* kapa o eketsa *sane*, ke tomoso e eketswang ho Seo o seng o se neilwe tshimolohong.

¹⁹⁴ Shebang mona. Kajeno moloko o bolawa ke'ng? Ba phamola mme ba futswela dintho. Mme ha o e futswela, o a e bolaya. "Oh, e shebahala e le ntle ho feta." Ehlide! Koro e futswetsweng: ditlhheferetsi tsa koro, le dijothollo tse ding tsohle tse tswang korong. Koro ya lejakane: e kgolo, ke a tonana, ditlhaka tsa yona ditelele ha monatjana, le diqwapi ke tsa ditonana, e shebeha e le ntle habedi jwaleka e nngwe. Empa ke lefu! Esita le mahlale a fumane hoo. Wa bona? O se ke wa e fapanya, e tla o bolaya.

¹⁹⁵ Jwale, mona, e re ke le bontshe. Tsatsi le leng ke ne ke nosetsa dipalesa tse mmalwa serapeng sa ka. Mme mofumahadi a hlomile dipalesa tsa majakane a futswetsweng pitseng e nyenyanne mona, kapa nkgo ya ho lema lephakong la ntlo. Re tlameha ho nosetsa dintho tseo bonnyane hararo ka veke, kapa hane, ho seng jwalo di tla shwa. Mme ka hara serapa keha ho metse semela sa mantlha. Pula eso ne mono dikgwedi tse tsheletseng, ho omile jwaloka... Ha pula e ka na, o ka budula lerole metsotsong e leshome. Empa thakanyana leo keha le robotse mono, le le letle ho feta le le boreledi ho feta lejakane le fuwang metsi wohle. Ha o ka le tima metsi, le tla shwa. Empa seo se fumana metsi a sona kae? Mme ntho e nngwe, o tlameha ho nna o lefafatsa letsatsi ka leng kapa a mabedi, ho leleka dinta. Ha a kgone, dinta di a le ja, le bonojana ha kakang mme le a tenyetseha. Empa ha ho nta e ka tsoramang hodima seo sa mantlha. Tjhe, tjhe! E ka kgasetsa ho sona e be e kgasa e tloha. Ke sa mantlha! Na le bona seo bojakane bo se entseng?

¹⁹⁶ Le ka hara kereke ho jwalo. Ba leka ho futswela mokgatlo wa bodumedi ka Lentswe, ho etsa e...ho leka ho buisa Lentswe seo mokgatlo wa bodumedi o se buang. Mme ha o etsa jwalo, o tlameha ho bafafatsa, le ho ba bokotsa, le-le ho ba abela dinaledi tsa gauta ho tsamaya sekolo sa Sontaha, le ntho e nngwe e sele. Ke hantle. Athe, eo wa makgonthe, Mokreste ya tswetsweng labobedi, ya tswetsweng ke Lentswe la Modimo, o kgohlahetse. Ke wena. Dinta le dintho tsa lefatshe ha di mo kgathatse. Ke ntsu, o fofa a feta pela lona mohwalotso. Wa bona, ho sasanka mahodimong. Wa bona? Ke nnete. Ha ho letho...

¹⁹⁷ Lemohang. Jwale, mona re tshwanela ho utlwisia seo, mokgatlo wa bodumedi, ditumelwana, mme kekeletso efe ya bohobe bo lomositsweng e ke ke ya tswakana le bohobe bo sa lomoswang. Mme Bibele e supa mona seriti sa sakramente, e leng ho kena borapeding, hore o ka tsamaya o nkile se sa lomoswang, mme Modimo o tla se amohela.

¹⁹⁸ O re, "Ke Methodise." O shwela hona mono hantle! "Ke wa Mapentekosta." O a shwa!

¹⁹⁹ Ke wa Kreste. Ke hantle. O tlameha ho ema hodima ntho e nngwe. Ke hantle. O a—o ema hodima ntho e nngwe.

²⁰⁰ Churchill o kile a bua, a phahamisa menwana e mmedi a re, “Re hlotse.” Mme yaba Engelane e ema hodima seo, ba ile ba dumela Churchill.

²⁰¹ Mme le dumela kapa tjhe, hoseng hona, o eme pela ntho e nngwe. Ntho e nngwe o ka e phelelang mme wa e emela, mme yona ke Kreste, Lentswe. Ka nepo!

²⁰² Lemohang, ha ho letho Bibeleng le bapisang mekgatlo ya bodumedi ntle le Babilona. Mme Babilona e theilwe ke Nimrode, Nimrode e ne e le molotsana. Mme ka mono a kentse sehlopha sa basadi, ho thwe ke mafumahadi a hae, e le baporofeta ba basadi. Ebile ho thwe Baalame o tlie a tswa karolong eo, ba ne ba boloka methapo ya difate le dintho. Ba rapela, o a tseba (bongata ba lona baithuti ba balang Hislop's *Two Babylons*, le tse ding tse jwalo, le nalane ya kereke), le kamoo ba—ba neng ba sebetsa kateng. Mme ba thontse basadi ba sebetsang *sena*, mme basadi...modimo wa mosadi, le ntho ka nngwe, e le borapedi ba kgatello. Motho mang le mang, motse ka mong o dikileng Babilona wa qobellwa ho tla Babilona ho rapela tlasa Nimrode toreng. Wa bona? Ke hantle. Ba ile ba qobellwa ho etsa sena, ho ngangisana ka yona. Ke hona moo pherekano e hlhang teng.

²⁰³ Mme ke hantle seo kereke e leng sona kajeno, “Haeba o sa kene sekolo sa Sontaha, ha o sa etse *sena*, mme o tlameha ho hirwa ho etsa *sena* le ho etsa *sena* le ho etsa *sane*, le lephallong o ntshitswe.”

²⁰⁴ Ka ntle kwana Tucson, ba mametse hoseng hona, nkile ka ipotsa...Esale ke qobella batho, “Eyang kerekeng, ho sa tsottelehe moo o yang teng.” Mme yaba ke bona batho eka ba batla ba honyela, mme ba ya ka *mona*. Mme ka nahana, “Molato ke’ng?”

²⁰⁵ Ka etela ba bang ba bona, “Tsatsi la pele ha o fihla mono, ba tla ho wena, ‘Ingodise kerekeng ya rona.’ Ha o sa etse jwalo, ha o a amohelwa.” Wa bona? Wa bona? Ke ntho ya qobello, e hatellwa hodima hao, wa bona, mme hoo ke Babilona. Empa ka ho Kreste, o kena ka kgetho; ha se ka kgatello, ke pelo ya hao e o hulelang ka hare.

²⁰⁶ Mohlang oo Modimo o ne o sa bea lebitso la Hae Babilona. Ka kelohloko jwale. A ke ke a bea Lebitso la Hae Babilona, dikereke. Oh, bona, ke *bona* ba beang Lebitso la Hae ka mono, empa e seng Yena. Tjhe.

²⁰⁷ O re, “Be, jwale, Moena Branham!” Butle, butle, ako thole motsotsotso feela. Le nkopile ho hula haleletsana. Na ha le bone? Jwale lemohang, ke *bona* ba beileng Lebitso la Hae mono, empa ha se Yena.

²⁰⁸ Jwale, O itse, “Nqalo eo Ke tla e kgethela ho kopana le lona le ho amohela sehlabelo sa lona ho yona ke hona moo Ke

kgethang ho bea Lebitso la Ka. Le kene ka kgoro ena, e leng monyako oo Ke o kgethang ho bea Lebitso la Ka. Ke hona moo le tlang teng.”

²⁰⁹ Be, ba beile, “Ena ke kereke ya Kreste.” Ha sepha se fela se le teng maipolelong ao, ho siuwe lenseswe le le leng: “anti.” Uh-huh, sohle seo A se rutileng, ba hanana le Sona. Bafarasi ba sejwale.

²¹⁰ Empa re tlamehile ho fumana moo A beileng Lebitso la Hae, hoba ho Lona ho fumanwa kgoro ya Hae e hlahisitsweng. Amen! Thoriso! Shebang! O beile Lebitso la Hae kae? Ho Mora wa Hae.

²¹¹ “Oh,” o re, “jwale be butle motsotso, Moena Branham. E ne e le Mora, e seng Ntate.”

²¹² Kamehla mora o nka lebitso la ntatae mabakeng wohle. Ke ttile lefatsheng lena ka lebitso la Branham kahobane lebitso la ntate e ne e le Branham.

²¹³ Jesu o itse, “Ke ttile ka Lebitso la Ntate wa Ka, mme ha le Nkamohelle.” Le batla Lengolo la hono? Mohalaledi Johanne 5:43. Wa bona? “Ke—Ke ttile ka Lebitso la Ntate wa Ka, mme ha le a ka la Nkamohela.” E tla ba Ntate o beile Lebitso la Hae ka Sebele, e leng “Jesu,” ho Mora. Mme ke Yena Tsela, ke Yena Monyako, ke Yena Ntlu, ke Yena moo Modimo a kgethileng ho bea Lebitso la Hae teng. Modimo ha o eso bee Lebitso la Wona ho nna, ha A eso Le bee kerekeng, ha A eso Le bee ho Methodise, Baptise, Katolike, empa O le beile ho Kreste Emmanuel Motlotsuwa.

²¹⁴ Mme Lebitso le Lentsweng kahobane Yena *ke* Lentswe. Amen! Ha ho le jwalo Yena ke’ng he? Lentswe le tolokilweng ke ponahatso ya Lebitso la Modimo. Ha ho makatse. “Nama le madi ha se tsona tse o senoletseng hona, empa Ntate wa Ka ya Lehodimong o senoletse hona, hore Ke Mang. Mme hodima lejwe lena Ke tla haha nqalo ya Ka ya ho rapela, mme dikgoro tsa dihele di ke ke tsa E heletsa.” Amen! Oho wena Kereke e phelang ya Modimo, ako eme hodima motheo o tiileng ho Jesu Kreste a nnotshi. Le ka bina sefela, empa haeba o se hodima Kreste Lentswe, o sa ntse o reketla, o lehlabathe le ritsang. “Empa hodima lejwe lena,” Kreste, “Lentswe la Ka.”

²¹⁵ O ne a ahe molaetsa wa Luthere mme ba bopa mokgatlo wa bodumedi ka wona. E ne e hola, bonamaelo ba maoto. Yaba O medisa karolo ya moomo, Methodise, le dintho tse jwalo. Ke hona moo A ahileng Kereke ya Hae teng, hodima Lentswe la Hae! Jwale, Yena ha se leoto lohle kapa serope sohle, Ke mmele; mme jwale ke karolo ya marulelo. Na le lemohile ho dipiramide? Kwana, ha ke rere borapedi ba piramide, jwale.

²¹⁶ Empa Bibele ya pele e kileng ya ngolwa, e ne e ngolwe sepakapakeng, ke zo-...[Sekgeo lebanteng—Mong.] Na le

eleletswe? E qala ka morwetsana, letshwao la pele ho zodiaka. Letshwao le qetellang ke Leo e leng tau. O tlide pele ka morwetsana, O tla kgetlo le latelang jwaleka Tau ya leloko la Juda. Pejana ho moo feela, ho kena mongwaha wa kankere, hlapi tse fapanang, mengwaha e meng yohle. Hola re ena le nako ya ho feta ho yona; etswe re ena le yona, tabernakeleng.

²¹⁷ Mme pira-... piramide ka metheo eo, ho nyoloha ho ya kena phaposing ya morena. Mme pejana feela o thulana le lerako la bosupa, mono ho fumanwa lepolanka le le nyenyane la boitsebiso, moo moromuwa a tswang ho o hlahisa ho morena. (Moromuwa Johanne Mokolobetsi ya ileng a hlahisa ho Morena), empa Lejwehloro le ile la nyatsuwa. Mme ha ba tsebe, Lejwe la Scone, kapa e leng eng, ha ba le tsebe moo le leng teng, hobane ke lejwe le nyatsuwend. Empa ke lona lejwe le ferang ntho yohle, hoo ho haha piramide e leng mengwaha kereke yohle e supileng. Ho eketsa mohau, ho eketsa *sena*, ho eketsa *sena*, ho fumanwa dikekeletso tse supileng, ya ho qetela ke Kreste. Ekeletsa *sena* leratong la hao, ekeletsa mohau wa hao ka mohau, ekeletsa ho hong, le ho hong, ho fihlela e fihla ho Kreste ke Lejwehloro, “Mme ke Nna monyako.”

²¹⁸ Jwale, mora o tla ka lebitso la ntatae ka mehla. Mora ofe le ofe o tla ka lebitso la ntate. Mme Jesu o itse, “Ke tlide ka Lebitso la Ntate wa Ka.” Ha ho le jwalo Lebitso la Ntate ke mang? Lebitso la Mora ke mang? Mme O itse, “Ho se ho se ho kae mme lefatshe ha le sa Mpona, empa lona le tla Mpona.” Eya, O tla ka sebopoho sa Moya o Halalelang, yena Jesu eo. Ke ka hona ba neng ba rapela, “Oho Jesu!” Wa bona? Wa bona? Ntate, Mora, le Moya o Halalelang: Ke Morena Jesu Kreste. Ke phetho. “Ke tla ka Lebitso la Ntate wa Ka, mme ha le Nkamohele.”

²¹⁹ Jwale, hopolang, O boetse a eketsa mona ho re lemosa, “e mong o tla tla,” bodumedi ba mokgatlo, tumelwana. “Ba tla tla ka lebitso la bona mme bona le tla ba amohela. Nna ha le Nkamohele, Lentswe le netefaditsweng le pakilweng pela lona.”

²²⁰ Jwalekaha A ne a nepile mohlang oo, le kajeno O jwalo. Le se ke la fosa hoo, lona batho naha ena ka bophara! “E mong o a tla, kereke, mme le tla dumela hoo, hoba le ka etsa ka boithatelo ba lona. Nke ke ka e netefatsa.” Ha A eso ka (nako efe, le ka mohla) a netefatsa letho (ka hara kereke efe) ka ntle ho Molaetsa o abilweng: wa Luthere, tokafatso; Wesley, kgalaletso; Pentekosta, kgutlisetso ya dineo. Ka mora... Mme hang ha ba bopa mokgatlo wa bodumedi ka yona, ya shwella hona moo. Batlisang Mangolo.

²²¹ Empa O itse, “Ke tla kgetha nqalo ya ho bea Lebitso la Ka.” Mme Lebitso leo e ne e le Jesu. Mme Jesu ke Lentswe, Mohalaledi Johanne 1. Na e lokile? Ke yona nqalo ya ho rapela, ka ho Kreste Lentswe. “Ke tla ka Lebitso la Ntate wa Ka.”

²²² Moporofeta o boletse, “Lebitso la Hae e tla ba Emmanuele.” Eo ke Mattheu 1:23, ha le batla ho le ngola fatshe. Jesu, Jehova, Mopholosi.

²²³ Jwale, temana ya 5 e Mo e supa e le monyako. Ha jwale, bopaki bo bongata bo sa bonahaleng, ka kgoro ena, le Lebitso, le dibaka tse ka pakwang hore nqalo eo Modimo a kopanelang le motho ho rapela, mme ke mohla a leng ka ho Kreste.

²²⁴ Jwale, jwale potso ke ena, “Re kena jwang ka ho Yena?” Jwale, hona ho ka nyatha nakwana; empa, wa tseba, eka ho nwa moriana, ha o sa o kudise, ha o o thused ka letho. Wa bona?

²²⁵ Jwale, Maluthere a na batlile ho kena ka tsela e itseng, ka ho ngodisa ho kereke ya Luthere. Methodise o ne a batlile ho kena ka ho howeletsa. Mapentekosta a batlile ho kena ka ho bua ka dipuo. E sa ntse e se yona! Wa bona? Tjhe, tseo ke dineo, le dintho tse jwalo. Empa Bakorinthe ba Pele 12 e re, “Ka Moya o le mong.” Moya wa Modimo, e leng Mophedisi wa Lentswe (Peo), ho netefatsa Peo eo ka morero wona oo. Wa bona?

²²⁶ Peo ya mongwaha wa Methodise ke ena e robetse mono, ho nkile Moya o Halalelang ho medisetsa peo eo bophelong le hlwekong . . . ho hlwekisa kereke ka kgalaletlo; ha se Luthere ya rerileng seo, hoba a ne a sa e tsebe. Mapentekosta a na a batlile ho bua ka dipuo bakeng sa kgutlisetsa ya dineo. E nngwe le e nngwe e a tlaleha, “Ke Yona! Ke Yona!” Wa bona?

²²⁷ “Empa ka Moya o le mong re kolobeletswa bohole Mmeleng o le mong,” mme Mmele oo ke lelapa, lelapa la Modimo. Mme eo ke ntlu ya Modimo, mme ntlu ya Modimo ke Lebitso la Jesu Kreste. “Lebitso la Morena ke qhobosheane e tiileng, ba lokieng ba balehela ho Yona mme ba bolokeha.”

²²⁸ Jwale, o tilo kena jwang ka leemedi la lebitso? Cheke ya hao e ka amohelwa jwang ka ho re, “E lefshwa ka boholo ba—ba Mohlomphehi, Ngaka, Letona”? Wa bona? Wa bona? O ka ba mohlomphehi, ngaka, letona. Empa *lebitso* la Morena ke “Jesu Kreste.” Wa bona?

²²⁹ “Ke kgethile ho bea Lebitso la Ka monyako wa ntlu eo Ke rapelwang teng, hoba lelapa la Ka le tla be le phuthehile ka mono tla Madi; jwaleka mohla Egepete, sohle se ka ntle sa shwa. Mme ka hare ka mono ha ho bohobe bo lomositsweng! Ha ho motswako wa bodumedi ba mokgatlo ka hara Yona yohle, ntlu ya Ka! Bana ba Ka, ba tswetsweng ke peo ya Ka!” Amen! Thoriso ho Modimo! “Peo tsa Ka di dutse ka ho bona! La ka . . . Ke beile Mantswe a ka ho bona. Ke tla a ngola hodima ditafole tsa pelo ya bona. Leo ke lelapa la Ka, lelapa la Mmele wa Jesu Kreste; lelapa. Mme le kena ka monyako wona, e seng Methodise, Baptise, kapa Pentekosta, empa monyako oo Ke beang Lebitso la Ka teng.” Ha se Methodise. Lebitso la Modimo ha se Methodise. Lebitso la Modimo ha se Pentekosta.

Lebitso la Modimo ha se Baptise. Lebitso la Modimo ha se Katolike. Sirohang menyako eo ke hona. Wa bona? Wa bona? Wa bona?

²³⁰ “Empa nqaleng eo Ke kgethang ho bea Lebitso la Ka.” Jwale, ha ho nqalo e nngwe ka hara Bibebe e abilweng moo Modimo a kileng a bea Lebitso la Hae, ke ho Jesu Kreste feela, hobane Ke Mora Modimo ya nkang Lebitso la Modimo, le Lebitso la Modimo haele motho. “Mme ha ho lebitso le leng le abilweng tlasa Lehodimo leo le ka bolokehang ke lona.” Ha ke tsotelle, Methodise, Baptise, Presbeteriene, dikatisimane, kapa sohle seo le batlang ho se etsa; ke ka Lebitso la Jesu Kreste moo lengole ka leng le tla kgumama le leleme ka leng le tla paka, ke Yena Morena. Le kena ka mokgwa oo.

²³¹ Mme haeba o kolobeditswe metsing ka nepo—nepo, mme o nto latola Lentswe, o tla be o le wa bonyatsi; tswalo ya hao e ne e sa nepahala. O kile wa itlaleha o Mo dumela mohlang oo, mme o a Mo latola.

²³² Nka latola lelapa leso jwang? Athé... Nka latola Charles Branham e le ntate jwang? Hlahlobo ya madi e hodima monyako ke yona e pakang. Uh-huh.

²³³ Boitshwaro ba ka, le netefatso ya Lentswe la Modimo bophelong ba ka e supa haeba ke le ngwana Modimo kapa tjhe. Jwale, eo ke yona feela nqalo ya Modimo. Wa e bona? Nqalo e le nngwe eo Modimo a tla amohela sehlabelo sa hao (Ha ke tsotelle o tshepeha ka ho shwelella ho hokae) ke ka ho Kreste.

²³⁴ Mme hopolang... O re, “Be, le nna ke dumela ke kene ka hare.” Hopolang, Bibebe e re... O re, “Be, Bibebe e itse, ‘E mong le e mong ya dumetseng hore Jesu ke Kreste ke Mora Modimo, o bolokehile, o tla bolokeha.”

²³⁵ E rialo, empa hopolang ho boetse ho ngodilwe, ho boetse ho ngodilwe, “Ha ho motho ya ka bitsang Jesu Kreste, haese ka Moya o Halalelang.” Wa bona? O ka re “Ke Yena,” empa ha se Yena pele Moya o Halalelang ka Sebele o Phedisang Lentswe o paka ka netefatso hore o mora Modimo. Leo ke Lengolo.

²³⁶ “Nqalo eo Ke kgethileng ho bea Lebitso la Ka. Le ke ke la rapela kgorong e nngwe e sele, empa kgorong eo Ke beang Lebitso la Ka ho yona; ke hona Ke tla le amohela, le ka hara lelapa la Ka.”

²³⁷ Jwale, lelapa la Modimo le utlwa molao wa Ntate wa lelapa. “Mme Ke Kgosana ya Kgotsa, Modimo o Matla, Rabosafeleng; mme mmuso wa Hae le bolaodi ha o na bofelo, borena bo beilwe mahetleng a Hae.” Mme Yena kaha e le Mmusisi, Kgosi, Emmanuel, Wa Pele, Wa Morao, Kgosana ya Kgotsa, Modimo o Matla, Rabosafeleng, ngwana e mong le e mong wa Hae o mamela Lentswe ka leng ka taolo hobane ke karolo ya Hae.

²³⁸ Lapeng leso re phela kamoo ma-Branham a phelang kateng. O phela lapeng leno, ma-Joneses, jwaleka ha ma-Joneses a phela.

²³⁹ Mme ka Tluny ya Modimo re phela ka Lentswe la Modimo le ka Leng le le leng le tswang molomong wa Modimo; mme le leng, qhekanyetso, re ke ke ra mo utlwa. Wa bona? “Le tla ja bohobe bo sa lamoswang, mongwaha o mong le o mong wa kereke, hantle kamoo Ke le neang Lona kateng.” Empa le se leke ho kgutla le sotetsa hoo ka hara Sena, hobane e kene ka hara tlhaka. “Le tle le nke masapo le dintho tsa sehlabelo se saletseng le di tjhese!” Ho fedile, mongwaha kereke o shwele, o fetile; re ho o mong hona jwale. Amen!

²⁴⁰ “Nqalo eo Ke kgethang ho bea Lebitso la Ka ho yona.” Oh, kgidi! Bakorinthe ba Pele 12.

²⁴¹ Lemohang Baefese 4:30.

...le se ke la swabisa Moya o Halalelang wa Modimo, oo le tshwaetsweng ho fihlela... (tsoseletso e latelang?)... ho fihlela letsatsi la topollo ya lona ke wona.

...le se ke la swabisa Moya o Halalelang wa Modimo, oo le tshwaetsweng ho fihlela letsatsi la topollo ya lona ke wona.

²⁴² Jwale lemohang. Ha re sebediseng hono thutong ya rona ya Lengolo. Re ntano tsamaya; ke a kgolwa ke kgathatsa batho. Wa bona? [Motho e mong o re, “Tjhe, ha ho jwalo, Moena Branham.”—Mong.] Shebang mona, batho ba emang ba ya hae, wa bona, ka hona tinare ya bona—ya bona e ntse e ptjatla, mme ba batla ho ya kopana le motho e mong. Ba ne ba sa lebella ho theohela mona le ho mamela letsatsi lohle. Wa bona? Empa, shebang, le tseba ntho...

²⁴³ [Moena Ben Bryant o bua ho hong—Mong.] Ben, oh, ke tla tlameha ho sebetsana le wena! O hlohonolofale! Ke a o leboha, Moena Ben. Ke a o rata, Moena Ben.

²⁴⁴ Haeba le tseba mahlomola ao moshanyana eo a utlwileng bakeng sa rona ntweng eo; o ile a thunngwa dikotwana, mme a phatlotswe, le ntho ka nngwe. O fetile bophelong ba ntho e nngwe le e nngwe, empa Modimo wa mo hlohonolofatsa. A nna a tshephahala. Mofumahadi wa hae a mo tlohela, a baleha a boela a nyalwa, mme a nka bana ba hae. Oh, kgidi, ha ke kgone ho e nahana.

²⁴⁵ Empa, leha ho le jwalo, Modimo a o hlohonolofatse, Ben.

²⁴⁶ Hona jwale o dutse a tletse diphatsa, tse patisitseng methapo ya hae le ntho ka nngwe. Feela... U tlameha ho tseba motheo wa Ben, wa bona. Modimo a hlohonolofatse moshanyana eo. E.

...oo le *tshwaetsweng* hofihlela *letsatsi* le *topollo* ya lona ke wona.

²⁴⁷ Lemohang! Jwale sena se ka tsipa nakwana, empa lemohang. Le se ke la ntela. Hopolang feela.

²⁴⁸ Hang mohla Iseraele e ne e sheba hodima monyako oo, ka madi ao a le hodima monyako, lebitso, (madi, bophelo), mme ba kena tlasa madi ao, ha ba ka ba tswa hofihlela ba tswile Egepeeta.

...le se le la *swabisa Moya o Halalelang wa Modimo*, oo ka wona le kenang le se hhole le e tswa hofihlela le lopollwa le ntshuwa. (Wa bona?)

²⁴⁹ Wa tseba, Bibebe e nepile kamehla. O beile Mantswe Mono, o tlameha ho Le beang moo Le loketseng, ho Le etsahatsa, ho hlahisa setshwantsho sohle sa topollo. Wa bona? Wa bona?

...le se ke la *swabisa Moya o Halalelang wa Modimo*, oo le *tshwaetsweng* hofihlela *letsatsi* la *topollo* ya lona ke wona. (Ho fihlela le lopollwa.)

²⁵⁰ O tiiseditswe ka mono, o tlasa Madi. Ha o sa hlola o tswile. Mme ke moo o leng eng? Mora Modimo kahara lelapa la Modimo, ya tiiseleditsweng ka hare ke Moya o Halalelang. Diabolosi a ke ke a o fumana le holane a tlamehile; hobane o shwele, karolo ya monna wa hao wa kgale e shwele; mme o patilwe, mme bophelo ba hao bo patilwe ka ho Modimo ka Kreste, le ho tiiseletswa ka Moya o Halalelang. Wa bona? A ka o fumana jwang? O ka tswa jwang? O mono! Thoriso! Jwale ke tla e tlohela; ho lekaneng feela le tle le tsebe seo ke buang ka sona.

²⁵¹ Ke moo e leng mmopo o motjha, e seng ho mokgatlo wa bodumedi empa ho Lentswe. O mmopuwa wa Lentswe. Hobane lejwe la motheo le ne le bewe ka ho wena pele lefatshe le thewa, ho rerwapele ho ba bara le baradi ba Modimo.

²⁵² Mme hodima sena ho dula lejwe hodima lejwe, mongwaheng ka mong, ho netefatsa Lentswe leo le nyolochang, hantle kamoo Jesu a sebeditseng mongwaheng wa Hae, e leng, yena Lejwehloro la hoo hohle. Ka ho Yena ho kile ha bewa mongwaha ka mong. Ka ho Jesu e ne e le Moshe. Ka ho Jesu e ne e le Davida. Ka ho Jesu e ne e le baporofeta. Na ho jwalo? Shebang Josefa, ya neng a rekiswe ka dikotwana tse ka bang mashome a mararo tsa silifera, a lahlelwa kahare, a lekangwa a shwele, a ntshwa, a tloha mme a iswa letsohong le letona la Faro. Shebang, ka nepo, Jesu o ne a... Josefa o ne a le ka ho Jesu.

²⁵³ Mme mohla A fihlang, keha E le bottlalo ba marena, baporofeta (alleluia), bottlalo bohole ba bomodimo bo ne bo ahile ka ho Yena. O tlide ho lopolla ho tswa mono Monyaduwa, Phatsa e tswileng-matsoho. Phatsa e tswileng-matsoho e jwetsang Satane ho re...

²⁵⁴ Haeba a re, “Matsatsi a mehlolo a fetile. Dintho tse kang tseo o buang ka tsona ha di yo.”

²⁵⁵ “Tloha ho nna, Satane.” Wa bona? Wa bona, Phatsa e tswileng-matsoho e emang mme e sirededitse.

²⁵⁶ Lejwehloro le tla kgutla tsatsi le leng, hlooho ya yona kaofela, mme le amohele Monyaduwa ho Yena; etswe mosadi a ntshitswe ho monna, karolo ya monna. E mong le e mong... Dipeo tsa monna di kahara mosadi, ke sona se etsang mosadi. Mme le Lentswe la Modimo le jwalo kahara Kereke, ke sona se fetolang Kereke Monyaduwa. E seng mokgatlo wa bodumedi, wona ke wa Diabolosi, o mong le o mong. Batho ba ka mono ha ke ba bitse seo; ke batho ba thetsitsweng, jwaleka Jesu ha a boletse, “Difofu tse tsamaisang difofu.” Mme O ne a sitwe ho ba biletsha kantle.

²⁵⁷ Mme ba re, “Kgele, O tswaletswe bonyatsing! Ke mang ya o bolellang ho tla kwano? Ke sekolo sefe, O tlotsitswe ke koleshe efe ya thupello? Mono rona re na le Moshe. Rona re...”

²⁵⁸ A re, “Hola le tsebile Moshe, le Nna le ka ba le ntsebile.”

²⁵⁹ Hoba Moshe o Mo ngotse dibukeng tse nne tsa hae, “Morena Modimo wa lona o tla hlahisa moabi wa Lentswe, Moporofeta ya jwaleka nna, mme mang le mang ya sa utlweng Moporofeta eo o tla kgaolwa bathong.” Ke phetho se leng teng. Mme Yena ke eng? Lentswe. Mme Lona keng? Le se ke la siya letho la tomoso kahara... Le se ke la sunya tomoso ya letho hara Lona. Le se ke la eketsa tumelwana, mokgatlo ofe wa bodumedi, hoba le se le silafetse hona mono, ho fedile ka sehlabelo sa lona.

²⁶⁰ Ha re potlakeng jwale, ka potlako ruri, le tle le kgone ho ja.

²⁶¹ Lemohang! Jwale, hape, o mora Modimo, ka hara ntlo ya Modimo, o karolo ya moruo wa Modimo. Baroma 8:1, “Ha ho le jwalo ha ho sa le tsuo ho ba leng ka ho Kreste Jesu.” Hoba ba shwele ka nqa ya lefatshe, ba phela ka ho Yena, mme ba phela letsatsing lena la jwale, ba etsa hore Lentswe leo Modimo a ba sebedisetsang lona, kapa ho ba tlotsetsa lona, ho ngola mabitso a bona Bukeng ya Monyaduwa. Mme ha Metsi a theohela hodima peo eo e ka pelong, a e tlotsa ho bopa Monyaduwa wa Kreste. Oh, kgidi! E phethahetse kamoo e ka kgonang. Esale ho le jwalo mongwaheng ka mong.

²⁶² Maluthere, tla sa tokafatso, maoto, ho e hlahisa ka tsela eo; Wesley, tla sa kgalaletso. Mapentekosta tla sa diphaka, mesebetsi le diketso le dintho tse jwalo, ba ile ba tlameha ho fetoha Macalvinisi... kapa ba tlameha ho ba Arminiane, ba tlameha ho ba boramolao. Empa jwale re fihla hloohong, lejwehloro. “Mohau! Mohau!” lejwehloro le ile la howeletsa.

²⁶³ Lejwehloro le howeletsang? “Mohau! Mohau!” Ho tloha lefung le tumelwaneng, ho kena Lentsweng le phelang la Modimo o phelang. Lona feela leano la Modimo le hlahiseditsweng mongwaha wa Hae, bara ba Hae mongwaheng wa Lentswe ba tsositswe ke Moya jwaleka hlase e kgwariditsweng nthong ho le phedisa; mme jwale ho dutswé dibakeng tsa mahodimo (lekgathe-le-jwale), ba se ba phela mme ke banka-kabelo pallong ka nngwe e kahara Lentswe. Ebe hoo ho etsang? Wena erekaha o le karolo ya peo ya Modimo, karolo ya Lentswe, batho ba bang le bona e le karolo ya Lentswe la Modimo, le dutse mmoho, ho bonahatsa Mmele wohle wa Kreste, hoba hara lona ho se tomoso. (O bona seo A buang ka sona, Moena Brown?) Ha ho tomoso hara lona, ke Lentswe feela, ho dutswé dibakeng tsa mahodimo, kahara monyako oo A beileng Lebitso la Hae: Kreste Jesu.

²⁶⁴ Ha ho tomoso hara lona, hoo ho hlahisa botlalo bohole ba bomodimo hara lona ka mmele. E ne e ke keya etswa mongwaheng wa Luther, e ke ke ya etswa mongwaheng wa Wesley, e ke ke ya kgoneha mongwaheng wa Pentekosta; empa ka letsatsi leo Mora motho a tla bonahatswa ka lona, ho senolwa, ho kopanya Kereke mmoho homme Boholo bohole ba Modimo bo ahile hara batho ba Hae, ho bontsha pepenene dipontsho tse tshwanang, ho ipontsha ka Boyena kamoo A entseng tshimolohong mohla A na a bonahatswa lefatsheng ka sebopeho sa Moporofeta-Modimo! Oh! Thoriso! E leng taba e tshepisitsweng ke Malakia 4, e tshepisitsweng ke Mangolo a mang wohle. Le rapela ho kae? Ntlo ya Modimo, le dutse (lekgathe-la-jwale).

²⁶⁵ Jwale, ka potlako, ha re shebang kapele jwale, mme re ntano tswella ka . . . Re tla be re tsamaile metsotsong e leshome, ha Morena a ratile.

²⁶⁶ Jwale ha re shebang ba bang ba tsoseditsweng kahara ntlo ena ya Modimo, ya mongwaha wa bona.

²⁶⁷ Henoke! (Re tla tsamaya metsotsong e leshome, haeba le ka mamela hakaalo.) Shebang, Henoke e ne e le Lentswe la Modimo le phelang la mongwaha wa hae, e ne e le moporofeta.

²⁶⁸ Moporofeta ke mohadimisi wa Modimo. Ba bakae ba tsebang hoo? E—e se hadimisang ha se ikgadimisi, e—e se hadimisang ha se sona kgadimo. Ntho e teng e tlamehang ho phatsima hodima sehadimisi—sehadimisi ho se kgontsha ho hadimisa. Ha ho le jwalo moporofeta ke lefiso le kgethilweng la Modimo le ke keng la hadimisa letho lesele empa le dutse motjheng wa kgadimo eo hantle, Modimo, ho hadimisa setshwatsho sa Kreste, Lentswe. Wa bona, ha ho letho le ka etsang hoo. Le wena o mohadimisi, ke ka hona moporofeta a ileng a tlameha ho ja buka. Ke ka hona a na a tlameha ho ja buka e phuthilweng. O ne a tlameha ho hadimisa Lentswe leo la mongwaha oo. Le e tshware?

²⁶⁹ Lemohang Henoke, mohadimisi wa Modimo ya phethahetseng papisong. Hoba Modimo a qete—qete ka yena, O ne a mo fetole feela, a mo nyolla a mo nka. Dihlomo tsa mochini tseo a kileng a di hadimisa di fetoha matla ka Moya, mme a nkelwa hodimo.

²⁷⁰ Ho a tshwana le matsatsing a Elia. Elia, esita le masapo a hae, moo kgadimo eo...Kgadimo ya Modimo e mmeleeng wa hae e neng e bonahatsa Lentswe la Modimo. Ba kile ba robatsa mofu hodima wona, yaba o a hoteswa a boela a phela. Rona re nama le lesapo la Hae, ha feela re le Monyaduwa wa Kreste. Na le dumela seo? Ho lokile. O re shwetse, mme rona re ichweletse borona mme re patilwe Lebitsong la Hae, hore rona “re se hlole re eba ba lefatshe, re mpe re be ka ho Yena,” etswe leloko lohle le Lehodimong le reeletswe Jesu Kreste. Eo ke Baefese 1:21. Hobane Lehodimo hammoho...leloko le Lehodimong. Leloko le Lehodimong le bitswang? Jesu. Leloko le lefatsheng le bitswang? Be, eo ke ntlo ya Modimo moo Madi a leng teng. Na ho jwalo? Oo ke monyako, eo ke kgoro, ke nqalo eo A beileng Lebitso la Hae, mme Lentswe le ne le etswe nama la aha hara rona. Ke Lentswe le hadimiswang le tukisang dihlase tsa mongwaha oo u phelang ho wona. Ke seo A neng a le sona, ke seo Moshe a neng a le sona, ke seo Jakobo a neng a le sona, ke seo bohole ba neng ba le sona, ba tukisa Lentswe leo la Modimo, mohadimisi eo Modimo a neng a Ikgadimisa ka yena. Mme yaba ho fihla setshwantsho se phethehileng seo sa Modimo, Jesu Kreste, Phatsa ya Modimo e tswileng—matsoho; o ne a otlelwae hore A tle a nke bohole a ba etse Monyaduwa eo e kileng ya eba mohadimisi.

²⁷¹ Moshe o ne a le ka ho Yena. Joshua o ne a le ka ho Yena. Mme haeba o le ka ho Yena, o ne o le ka ho Yena pele ho motheo wa lefatshe, leloko la Modimo; o ne o utlwe bohloko le Yena, o ne o shwe le Yena, o ne o ye sefapanong le Yena, o tsositswe le Yena; mme le jwale o sa le mmoho le Yena, ho dula dibakeng tsa Mahodimo, ho hadimisa Molaetsa wa mongwaha ho lefatshe, Lesedi la lefatshe. “Le Lesedi la lefatshe,” empa ekare ha le kgurumetswa ka seroto sa mokgatlo wa bodumedi, ba ka Le bona jwang? Ka meetlo ya lona, le fetola Lesedi ntho e se nang matla! Ka ho leka...Mekgatlo ya lona ya bodumedi, e leka ho lelekela Lesedi hole le kereke tsa lona; ebile le lona ha le kene, le bile ha le ba dumelle ho kena. Amen.

²⁷² Ha re kgaotseng feela. Kgele, ke tshwere tse ngata haholo mona. Re—re be re ka tswelapele...Oh, kgidi! Re na le metsotso e mehlano.

²⁷³ Na le a bona ke mang monyako? Modimo o beile Lebitso la Hae kae? Ho Jesu. O kena jwang Lebitsong la Hae? O kena jwang ka mono? Ka ho kolobeletswa ka mono! Jwang? Ka metsi? Ka Moya! “Morena o mong, tumelo e nngwe, kolobetso e nngwe.” Yona ke kolobetso ya Moya o Halalelang.

²⁷⁴ Kolobetso ya metsi e mpa e o kenya kopanong ya batho, o itemoha o amohetse Kreste. Eo ke Nnete. Empa ke kolobetso ya Moya. Nka bitsa Lebitso la Jesu hodima hao mme ka o kolobetsa, hoo ha ho e phethahatse jwalo.

²⁷⁵ Empa hang ha Moya oo o Halalelang ruri... Lentswe la makgonthe ha le kena ka ho wena (Lentswe, Jesu), ha ho le jwalo, moena, Molaetsa ha se sephiri ho wena he; o a O tseba, moena, O kgantshitswe ka pela hao hantle. Alleluia! Ho bokwe Modimo! Amen!

Ke a Mo rata, ke a Mo rata
Hoba A nthatile pele,
Mme A lefella pol-...

Modimo o ratehang, ke O rapela ho fodisa batho bana, Morena, le ho phekola e mong le e mong wa bona. Ka Lebitso la Jesu Kreste. Amen.

²⁷⁶ Oh! Lerato! Oh!

Esale bo, ka tumelo ke bona molapo oo
O kopotsang maqebeng a Hao, (ho tswa ho
Phatsa eo)
Lerato le lopollang esale e le lepetjo la ka,

²⁷⁷ O ka kgona jwang... Modimo ke Lerato. "Ya ratang ke wa Modimo," lerato le mokgethwa, le halalelang, e seng lerato le ditshila; lerato le hlwekileng, le se nang sekodi, le halalelang, lerato la Modimo Lentswe. "Melao ya Hao ke e patile pelong ya ka, ke se ke ka O sitelwa," oh, kgidi, e le ha Davida ha a howeletsa. Na ha A babatshe? Na ha le Mo rate?

²⁷⁸ Jwale, Tsela e teng, e se nang sekodi, Tsela e halalelang, yona feela nqalo eo Modimo a tla kopana le wena. Ha se kahobane o re, "Modimo, jwale, ke Methodise ya lokileng. Ke Mobaptise ya lokileng. Ke Mopentekosta ya lokileng." Tjhe! Ke kahobane o le ka ho Jesu Lentswe, karolo ya Lentswe le bonahatswang ho fihlela kajeno, Molaetsa wa letsatsi lena; e seng wa Luther, wa Wesley, Pentekosta; empa Jesu wa hao, kgadimo, e ileng ya nyoloha ya kena ho sena. O ke ke wa kgutlela nthong eo, hoo ke ho lomosa Bohobe ba hao bo halalelang, hono, "Motho o tla phela ke Lentswe ka leng le tswang molomong wa Modimo, sehengleng sa Lona."

²⁷⁹ Oho tloo, Morena Jesu, wena Lejwehloro le leholo. Sheba se robetseng kwana, lerole la Maluthere ao a shweleng morao kwana tlasa bashwelatumelo; sheba Methodise ao.

²⁸⁰ Mapentekosta ao le ba jwalo, ba nyolohang jwale, lefutso leo la nnete le nyolohang le hotoloha.

²⁸¹ Lona Assemblies of God le tlohileng la ya hlophisa, athe ke sona seo Modimo a le ntshitseng ho sona, le boetse morao jwaleka kolobe seretseng sa yona.

²⁸² Lona Oneness e matahaneng, ya kgale ya J.C. ya... Pentecostal Assemblies of Jesus Christ. E nngwe ke ya bathobatsho, mme le ikarola ka baka la kgethollo. Lona le entseng jwalo, mme la ntoo ikopanya la e rea "United." Mme yaba le a hlophisa, mme la phehisla Assemblies kgang: "Jwaloka ntja ha e kgutlela mahlatseng yona." Efela ha mahlatsa a kudisitse ntja pele, ana a ke ke a boela a e kudisa? Fetola dijo tsa hao ho tswa ho mokgatlo ho ya Lentsweng, mme o phele le Kreste. Le a swabisa!

Ntate o teng mose wane,
 Ntate o teng mose wane,
 Ntate o teng mose wane,
 Ledibohong lela.

Ke tla ya Mmona tsatsi le leng,
 Ke tla... Mmona tsatsi le leng,
 Ke tla ya Mmona tsatsi le leng,
 Ledibohong lela.

Oh, kopanong e monate-nate,
 Kopanong... (Lentswe le fihla ho Lentswe!)
 e monate-nate,
 (Mohla Monyaduwa a nyolohang, Lentswe ka
 Lentswe.) ... e monate-nate,
 Ledibohong lela.

Oh, moso oo e ka ba hosasa,
 Moso oo e ka ba hosasa,
 Moso oo e ka ba hosasa
 Ledibohong lela.

²⁸³ O re, "O tiile ka seo, Moena Branham?"

²⁸⁴ E, monghadi! Mohla Luthere ya mongwaha oo, Wesley ya mongwaha wa bona, mapentekosta a mongwaha wa bona (bao ba nnete, e seng mekgatlo ya madumedi); Mapentekosta, ba lomositseng ka tomoso (mokgatlo wa bodumedi ba bona), o ile wa shwa. Empa Lentswe lena la nnete le tswelapele, wa bona. Jwaleka Jesu ha a boletse, "Ka letsatsi leo, le tla tseba hoba Ke ka ho Ntate le Ntate o ka ho Nna, le Nna ke ka ho lona le lona le ka ho Nna." Ntho yohle ke Lentswe!

Oh, kopanong e monate-... (mohla bara ba
 Hae ba phuhthehileng kgorong ya Hae)
 ...monate-nate,
 Kopanong e monate-nate,
 Ledibohong lela.

²⁸⁵ Jwale, kereke, jwale re a ruta. Empa, le hopole, ha le tloha mona, qala o tswe lekgapetleng leo; o kena kahara thollo, empa ako robale ka pela Sefahleho sa Mora. O se ke wa eketsa, seo ke se buileng; o se ke wa fokotsa, seo ke se buileng. Hobane,

hobane ke bua Nnete ho ya kamoo ke E tsebang kateng, kamoo Ntate a nneileng yona kateng. Wa bona? Le se ke la E eketsa, le bue feela seo ke se buileng.

²⁸⁶ Taba e leng teng, le bolelle batho ho tla le ho batla Morena Jesu. Mme lona ka bolona le robale ka pela Sefahleho sa Hae, le kene leratong le Yena, “Oho Morena Jesu, Mora Modimo, ke a O rata. Ako nolofatse pelo ya ka, Morena. Tlosa tshilafalo yohle le lerato la lefatshe, mme o ntumelle ho phela kgalalelo lefatsheng lena la jwale pontsheng ya Hao.”

²⁸⁷ Na re ka inamisa dihlooho tsa rona thapelang. Jwale, ha re boneng, re na le motho ya thontsweng ho kwala ka thapelo? Kapa, ke tla etsa jwalo, he. Le dule ka tshabo e shweletseng.

²⁸⁸ Modimo o ratehang, re a O leboha haele moo re jele dijo tsa rona tsa moyo. Re a O leboha, Morena, haele moo difithamini tsa Lentswe di hodisa bara ba Modimo. Ha di sebetse semelong sa mofuta o sele, feela hodima bara le baradi ba Modimo. Ka baka leo re O leboha ka Lona. Mme re a rapela, Modimo, re tle re ahiswe ke hona, re tle re se ke ra O leboha feela. Re O leboha ka Lona, empa re ke re sebedise matla ho leka jwalo (ka Lerato) ho qophella batho ho dumela ho Modimo wa rona; bao ba lahlehileng, baetsadibe, basadi, banna, bashanyana, banana, mongwaheng wona.

²⁸⁹ Ho bona, Morena, haele moo maemo a kelello, mongwaha wa methapo oo batho ba phelang ho wona, o ba lahlehisa kelello ya bona; ho phethahatsa ka nepo seo Lengolo le se buileng le ho se tshepisa, dintho tse nyarosang di tla fihla hodima lefatshe; tse kang ditsie, ho hlopha basadi ba kutang moriri wa bona, di tla ba le moriri o molelele jwaleka mosadi. Le dipono tse fapaneng tse nyarosang tseo ba tlang ho di bona, Morena, maemong ao a kelello, e thetsitsweng ya bona, mme ba tla howeletsa mafika le dithaba. Basadi ba ithuetseng dintja le dikatse, mme ba sa hodise bana tlotsong ya Hao. Le bao O ba neileng bana mme ba ba tswala, ba ntano ba lokollela seterateng ho etsa ka ho rata ha bona. Ha ho makatse O itse, Morena, mohla O ne o eya sefapanong, “Ke moo ba tla qala ba howeletsa mafika le dithaba ho ba pupetsa.”

²⁹⁰ Re bona dintho di nyolohela hantle nakong ena. Re bona netefatso ya Lengolo, le pakwa. Mme hang re sa bona Hoo, Morena, Wena ka mahlo a rona, (ka ponahatso), ka tsatsi le leng Hlwibilo e tla fihla mme re tla bona ponahatso ya Lentswe leo, “Hoba Mora motho o tla tla ka maru a kganya, le Mangeloi a Hae a halalelang le Yena, mme re tla nkwa ho kopana le Ŷena sebakeng.” Mohlang oo e tla . . . Hona jwale re utlwa tsa yona, re ntoo e bona ka leihlo la rona.

²⁹¹ Re ke re fumanwe re le ka ho Yena, Morena, yona feela nqalo e hlahisitsweng. Mme ke Yena Sehlabelo. Re hlahisa Yena, seo re se utlwileng, Jesu Kreste, ka hara ntlo ya Modimo

ka kolobetso ya Moya o Halalelang, ka Lebitso la Jesu Kreste. Mme teng sehlabelo sa rona se a amohelwa mme re kenngwa lelokong; hobane, leha kwana re lahlehile lefatsheng, re ne re tlotswe pele ho thewa lefatshe ho ba bara le baradi ba Modimo. Re O leboha ka seo, Ntate. Oh, motho ke ofe ya ka hlang a a furalla ntho e kang eo, athe ba fumane Nnete, haele moo Modimo a ba kgethile a ba ntshitse lefatsheng? Mohla ke ne ke bolokeha, ho ne ho lahlehile dimilione.

²⁹² Oho wena Konyana e shwang, nka O leboha jwang le ka mohla? Pelo ya ka e ka ikokobetsa jwang le ka mohla ka hlompho e lekaneng pela Hao? Nthuse, Modimo o ratehang, ho phela ka nnete. Thusa batho ba heso ho phela ka nnete. Ke a ba rapella, Morena, e mong le e mong, hore O tle o etse jwalo. Modimo, ka mokgwa o itseng, ha ke... Nke ke ka tseba mokgwa... Ha ke tsebe jwang, hore ke kope jwang, Morena; mme mohlomong ha ke kope hoo ka tshwanelo. Empa Wena aka tshwarele bowatla ba ka, Morena, mme o tadime pelo ya ka feela. Ke rapella hore ho se be le a mong wa bona ya lahlehang, le a le mong wa bona, Ntate. Ke a ba tseka, e mong le e mong, bakeng sa Hao. Ka Lebitso la Jesu Kreste. Amen.

Ke a Mo rata, ke...

Mme haeba le Mo rata, etlaba le a ratana. A le ke le tsukutlaneng ka matsoho ke hona.



YONA FEELA NQALO E KGETHETSWENG
MODIMO HO MO RAPELA SST65-1128M
 (God's Only Provided Place Of Worship)

Molaetsa wona, ka Moena William Marrion Branham, o rerilwe tshimolohong ka Senyesemane hoseng a Sontana, Pudungwana 28, 1965, Tabernakeleng ya Life e Shreveport, Louisiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 P.O. Box 178, SOMERSET WEST, 7129 CAPE PROVINCE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org